

史記本紀五之六



漢書門			
類	號	函	架
三〇	五〇	〇	〇
冊	架	函	號

內閣文庫			
類	號	冊	架
一〇〇	五〇	〇	〇
架	冊	號	類

內閣文庫			
番號	漢	5001	
冊數	30	(3)
函號	279		1



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



淺文庫

秦本紀第五

史記五

案隱曰秦雖嬴政之祖本西戎附庸之君豈以諸侯之邦而與五帝三王同稱本紀斯必不可降為秦世家

陳曰秦封域近禹貢雍州西垂鳥鼠之山兼得西周畿內八百里之地在荊岐終南敷物之野後祿王并東周
又曰正文注大業是臯陶之子伯益非也臯陶偃姓禹封臯陶之後于英六伯益嬴姓本姓

秦之先帝顛頊之苗裔正義曰黃帝之孫號高陽氏孫曰女脩索隱曰女脩織玄鳥墮郊女脩吞之生子大業索隱曰女脩吞乙子而生大業其父不著而秦趙以母族而祖顛頊非生人之義也按左傳鄰國少昊之後而嬴姓蓋其族也則秦趙宜祖少昊氏○正義曰列女傳云陶子生五歲而佐禹曹木家注云陶子者臯陶之子伯益也按此即知大業是臯陶大業取少典之子曰女華女華生大費索隱曰扶味反

一音秘尋費後以為氏則扶味反為得此即秦趙之祖嬴姓之先一名伯翳尚書謂之伯益系本漢書謂之伯益是也尋檢史記上下諸文伯翳與伯益是一人不疑而陳相系家即叙伯翳與伯益為二未知太史公疑而未決邪抑亦謬誤爾

正義注在脩下

玄圭諸本作
玄玉大作天

洛作浴

與禹平水土已成帝錫玄圭禹受曰非予能成
亦大費為輔帝舜曰咨爾費贊禹功其賜爾阜
游。索隱曰游音旒謂賜以皂色旌旆之旒色與玄圭色副言其大功成也然其事亦當有所出爾後嗣
將大出索隱曰出猶生也言爾後嗣繁昌將大生乃妻
之姚姓之玉女徐唐曰皇甫謐云賜之玄玉妻以姚姓之女也大費拜受佐
舜調馴鳥獸鳥獸多馴服是為栢鬯舜賜姓豸
氏大費生子二人一曰大廉實鳥俗氏二曰荝
木實費氏索隱曰以仲衍鳥身人言故為鳥俗氏其玄
孫曰費昌子孫或在中國或在夷狄索隱曰殷紂時費仲即留也
之後費昌當夏桀之時去夏歸商為湯御以敗

上為一作多

桀於鳴條大廉玄孫曰孟戲中衍索隱曰舊解以人今以孟仲分字當是二人名也鳥身人言正義曰身體是鳥而能人言又云口及手足似鳥也帝
太戊聞而卜之使御吉遂致使御而妻之自木
戊以下中衍之後遂世有功正義曰謂費昌及仲衍以佐殷
國故嬴姓為顯遂為諸侯其玄孫曰中濇徐廣作滑。正義曰中音仲濇音決在西戎保西垂生蜚
廉蜚廉生惡來惡來有力春秋曰蜚廉善走手裂虎兕蜚廉善走
父子俱以材力事殷紂周武王之伐紂并殺惡
來是時蜚廉為紂石北方徐廣曰皇甫謐云作石擲於北方。索隱曰石下無字則不成文意亦無所見必是史記本脫皇甫謐尚得其說徐雖引之而竟不云是脫何字專質之甚也。正義曰為于

楊慎曰匪廉助紂為虐
孟子明言戮之海隅矣
焉得天降石棺之証

偽反劉伯莊云霍太山紂都之北也霍太山還無所報為

在晉州霍邑縣按在衛州朝歌之西方也

壇霍太山地理志霍太山在河東潞縣而報得石棺正義曰紂既

報故為壇就霍太山而祭紂報云作得石擲

銘曰帝令處父不與殷亂索隱

曰處父輩賜爾石棺以華氏死遂葬於霍太山甫

廉別號去歲縣十五里有冢常祠之索隱曰言處父至忠國

滅君死而不忘臣節故天賜石棺以光華其族事蓋非實謙

周深所不信音升蜚廉復有子曰季勝正義曰紂既

增幸於周成王是為宅臯狼正義曰地理志云西河

幸於周緣王得驥温驪徐廣曰温一作盜駟案郭璞

曰温音盜徐廣亦作盜鄒誕生本作駟音陶劉氏音義云驪

盜驪竊也竊淺青色八駿既因色為名竊驪為得之也驪

驪赤者為素駟馬赤也

駟耳之駟郭璞曰紂年

以傳驪馬是生綠耳八駿皆因其毛色以為名號駟案穆天

子傳驪生有八駿之乘此紀不具者也索隱曰按穆王傳

曰赤驪盜驪白義渠黃驊騮音錄西巡狩樂而忘歸郭璞

云穆王十七年西征於崑崙崑崙見西王母正義曰括地志

云崑崙山在肅州酒泉縣南八十里六國春秋云前漢張騫

酒泉守馬安土言酒泉南山即崑崙之丘也唐穆王見西王

母樂而忘歸即謂此有石室王母堂珠璣樓嚴飾煥若神宮

按肅州在京西北二千九百六十里徐偃王作亂地理志曰

縣云故徐國子曰徐偃王有筋而無骨駟謂號偃由此

也博物志云徐君宮人有娠而生郊以為不祥棄於水濱洲

孤獨無有大鵠蒼蒼所棄郊以歸覆煖之乃成小兒生偃故

宮人聞之更取養之及長襲為徐君後鵠蒼臨死生角而九

尾化為成龍也鵠蒼或名后蒼括地志又云徐偃王城在越州鄒

縣東南入海二百里夏侯志云翁洲上有徐偃王城傳云昔

周穆王巡狩諸侯共尊偃王穆王聞之令造父御乘驪裏之

梁一作凉是

筋

大作犬

成作黃

六國上
有十字

凌稚隆曰梅造父趙衰
斐廉皆嬴秦之祖本
歸周下有一日千里字

余有丁曰梅惠來革者
豈即惠來耶但不宜後
曰斐廉子既為武王誅
死又不宜曰早死
陳曰惡來二字差次
華蓋斐廉別子
琮按東方朔非有先
生詐作惠來革

凌稚隆曰格駱與輅同
主車駕之官

馬日行千里自還討之或云命趙王
帥師伐之偃王乃於此處立城以終
造父為繆王御長
驅歸周以救亂正義曰古史考云徐偃王與楚文王同
得救亂而獨長驅日行千里乎並言此事非實按繆王以
年表穆王元年前去楚偃王元年前三百一十八年矣
趙城封造父徐廣曰趙城在河東永安縣○正義曰括地
曰永安即造父之邑也造父族由此為趙氏自斐廉生季勝
已下五世至造父別居趙趙襄其後也乘來革
者斐廉子也早死有子曰女防女防生旁皐旁
皐生太几太几生大駱大駱生非子以造父之
寵皆蒙趙城姓趙氏非子居大丘徐廣曰今槐里
地志云大丘故城一名槐里亦曰廢丘在雍州始平縣東南
十里地理志云扶風槐里縣周曰大丘懿王都之秦更名廢

下平非作

丘高祖三年好馬及畜正義好火到
反畜許救反善養息之大丘
人言之周孝王孝王召使主馬于汧渭之間正義
曰汧音牽言於二水
之間在隴州以東馬大蕃息孝王欲以為大駱適
嗣申侯之女為大駱妻生子成為適申侯乃言
孝王曰昔我先麗山之女正義曰申侯之
先娶於麗山為戎胥
軒妻正義曰胥軒
仲衍曾孫也生中湫以親故歸周保西垂西
垂以其故和睦今我復與大駱妻生適子成申
駱重婚西戎皆服所以為王正義曰言申駱重婚重
直龍反西戎皆從所以
得為王王其圖之於是孝王曰昔栢翳為舜主
即孝王畜畜多息故有土賜姓高嬴今其後世亦為朕息

鍾惺曰秦字始見于此

王維視曰秦仲誅西戎即小戎之詩是也而朱子為屬襄公誤矣
李遠曰秦至襄公始為成國小戎之詩朱子屬之襄公不為失也不得云是秦仲

麥推隆曰按周無豐王閩本作幽王蓋幽豐字相近而又適其時作幽似矣然幽王妻申后何以有豐字耶
大字子曰按豐王蓋周王周都于豐也

馬朕其分土為附庸邑之秦徐廣曰今天水隴西縣秦亭也。正義曰括地

志云秦州清水縣本名秦嬴姓邑中三州志云秦亭秦谷是也周太史儋云始周與秦國合而別故天子邑之秦使

復續嬴氏祀號曰秦嬴亦不發申侯之女子為

駱適者以和西戎秦嬴生秦侯秦侯立十年卒

生公伯公伯立三年卒生秦仲秦仲立三年周

厲王無道諸侯或叛之西戎反王室滅大丘大

駱之族周宣王即位徐廣曰秦仲之十八年也乃以秦仲為大

夫誅西戎西戎殺秦仲秦仲立二十三年死於

戎毛詩序曰秦仲始大有子五人其長者曰莊公車馬禮樂侍御之好也

周宣王乃召莊公昆弟五人與兵七千人使伐

西戎破之於是復予秦仲後及其先大駱地大丘并有之為西垂大夫正義曰注水經云秦莊公伐西戎破之周宣與大駱大丘之地

為西垂大夫括地志云秦州上邽縣西南九十里漢隴西郡縣是也莊公居其故西大丘

生子三人其長男世父世父曰戎殺我大父仲

我非殺戎王則不敢入邑遂將擊戎讓其弟襄

公襄公為太子莊公立四十四年卒太子襄公

代立襄公元年以女弟緡嬴為豐王妻襄公二

年正義曰括地志云故沂城在隴州沂源縣東南三里帝王世紀云秦襄公二年徙都沂即此城戎圍大

丘世父世父擊之為戎人所虜歲餘復歸世父

七年春周幽王用褒姒廢太子立褒姒子為適

一史記秦紀五

地

此

邑作誥

陳曰生當作立

數欺諸侯諸侯叛之西戎大戎與申侯伐周殺
 幽王酈山下而秦襄公將兵救周戰甚力有功
 周避大戎難東徙維正義曰周平王徙居王城即
 維邑云我卜澗水東灋水西也襄公以兵送周平王平王封襄公為諸侯賜
 之岐以西之地曰我無道侵奪我岐豐之地秦
 能攻逐戎即有其地與誓封爵之襄公於是始
 國與諸侯通使聘享之禮乃用駟馬徐廣曰赤馬
 黑鬣曰駟黃牛羝羊各三祠上帝西時徐廣曰年表云立西時
 祠白帝索隱曰襄公始列為諸侯自以居西時西時縣名故作西時祠白帝
 時止也言神靈之所依止也亦音市謂為壇以祭天也十二
 年伐戎而至岐卒生文公文公元年居西垂宮

正義曰即上
 西縣是也三年文公以兵七百人東獵四年至
 汧渭之會曰昔周邑我先秦嬴於此後卒獲為
 諸侯乃卜居之占曰吉正義曰掃地志云郿縣故城在
 岐州郿縣東北十五里毛萇云即營邑之十年初為酈
酈地名也秦文公東獵汧渭之
 會十居之乃營邑焉即此城也時徐廣曰酈縣屬馮翊。索隱曰音敷亦縣名於酈地作時
 故曰酈時故封禪書曰秦文公夢黃蛇自天而下屬之地止於酈街史敦以為神故立時也。正義曰掃地志云二時
 原在岐州雍縣南二十里封禪書云秦文公作酈時襄公作西時靈公作吳陽上
 時並此原上因名也用三牢十二年初有史以紀事
 民多化者十六年文公以兵伐戎戎敗走於是
 文公遂收周餘民有之地至岐岐以東獻之周
 十九年得陳寶索隱曰按漢書郊祀志云文公獲若石
 云于陳倉北坂城祠之其神來若雄雉

名作鳴

師古曰殷聲也云傳聲之也野雞亦雉也言陳寶若未而有聲則野雞皆鳴以應之也

守玄按張注恐非

文

其聲殷殷云野雞夜鳴以一牢祠之號曰陳寶又臣瓚云陳倉縣有寶夫人祠歲與萊君神會也蘇林云質如石似肝云語辭正義曰括地志云寶雞神在岐州陳倉縣東二十里故陳倉城中晉太康地志云秦文公時陳倉人獵得獸若豕不知名牽以獻之逢二童子童子曰此名為媚常在地下食死人腦即欲殺之拍捶其首媚亦語曰二童子名陳寶得雉者王得雌者霸陳倉人乃逐二童子化為雉雌上陳倉北坂為石秦祠之搜神記云其雄者飛至南陽其後光武起於南陽皆如二十年法初有三族之罪張晏申父母兄弟妻其言也二十七年伐南山大梓豐大特徐廣曰今武都族也

名作鳴 菜作葉 實作寶 非

今俗畫青牛障是四十八年文公太子卒賜謚為靖公廣徐曰文公之四十四年曾隱之元年靖公之長子為太子是文公孫也五十年文公卒葬西山徐廣曰皇用謚云葬於西縣靖公子立是為寧公徐廣曰一作曼寧公二年公徙居平陽廣曰鄆之平陽亭也正義曰帝王世紀云秦寧公都平陽按岐山縣有陽平鄉鄉內有平陽聚括地志云平陽故城在岐州岐山縣西四十六里遣兵伐蕩社徐廣曰蕩音湯社一作秦寧公徙都之處號曰亳王蓋成湯之胤其邑曰蕩社徐廣云一作湯社言湯邑在杜縣之界故曰湯社也正義曰括地志云雍州三原縣有湯陵又有湯臺在始平縣西北三年與亳戰亳王八里按其國蓋在三原始平之界矣四年魯曾公子翬奔戎遂滅蕩社皇用謚云亳王號四年魯曾公子翬弒其君隱公十二年伐蕩氏取之寧

即羽父也

皇用謚云亳王號

四年魯曾公子翬

乎遠曰誅三父不以
廢太子為罪而以殺
出子為罪武公不私
也刑正其名也

公生十歲立立十二年卒葬西山

正義曰括地志云秦寧公墓在岐州陳倉縣西北二十七里秦陵山帝王世紀云秦寧公葬西山大麓故號秦陵山也按文公亦葬西山蓋秦陵山也

生子三人長男武公為太子武公弟德公同母

魯姬子

正義曰德公母號魯姬子

生出子寧公卒大庶長弗忠

威壘

正義音力追反

三父廢太子而立出子為君出子

六年三父等復共令人賊殺出子出子生五歲

立立六年卒三父等乃復立故太子武公武公

元年伐彭戲氏

正義曰戲音許宜反戎號也其邑同州彭衙故城是也

至于華山

下

正義曰即華嶽之下也

居平陽封宮

正義曰宮名在岐州平陽城內也

二年三父等而夷三族以其殺出子也鄭高渠昧

宮名作封宮

殺其君昭公

索隱曰春秋魯桓公十一年左傳作高渠昧也

十年伐邾翼戎

初縣之

地理志謂西有上邽縣應劭曰即邽戎邑也

十一年初縣杜

地理志邽北有邽縣杜縣也正義曰括地志云下邽故邽城在雍州長安縣東南九里古杜伯國華州鄭縣也毛詩

正義曰鄭國者周畿內之地宣王封其弟於咸林之地是為鄭桓公按秦得皆縣之

滅小虢

班固曰西虢在雍州

正義曰號音古伯反括地志云故虢城在岐州陳倉縣東四十里次西十餘里又有城亦名虢城輿地志云此虢文王母弟號叔所封是曰西虢按此虢滅時

管至父連稱等殺其君襄公而立公孫無知晉

滅霍魏耿

索隱曰春秋魯開公元年在傳云晉滅耿滅魏滅霍又曰賜趙夙耿賜畢萬魏杜預註曰平陽

皮氏縣東南有耿鄉永安縣東北有霍太山三國皆姬姓正義曰括地志云霍晉州霍邑縣又春秋時霍伯國韋昭云

霍姬姓也括地志云故耿城今名耿倉城在絳州龍門縣東南十二里故耿國也都城誌云耿嬴姓國也

齊雍

齊雍

廩正義曰雍於宮反廩力甚殺無知管至父等而立

齊相公齊晉為疆國十九年晉曲沃始為晉侯

索隱曰晉穆侯少子成師居曲沃號曲沃齊相公伯於鄆

音霸二十年武公卒葬雍平陽初以人從死從

死者六十六人有子一人名曰白白不立封平

陽正義曰即雍平陽也平陽時立其弟德公德公元年

初居雍城徐廣曰今大鄭宮正義曰括地志云此州雍

城也以犧三百牢祠酈時卜居雍後子孫飲馬

於河正義曰卜居雍之後國益廣大後梁伯芮伯來朝

索隱曰梁嬴姓芮姬姓梁國馮翊夏陽芮國馮翊臨晉○正

義曰括地志云南芮鄉故城在同州朝邑縣南三十里又有

北共城皆古芮伯國鄭玄云周同姓之國在畿內為王卿士

者左傳云桓公三年芮伯萬之母芮姜惡芮伯之多寵人故

逐之出居魏今按州芮城縣界有芮國二年初伏六月伏

日初也周時無至此乃有之正義曰六月三伏之節起秦

德公為之故云初伏伏者隱伏避盛暑也曆志釋云伏者何

以金氣伏藏之日也四時代謝皆以相生立春木代水水生

木立夏火代木木生火立冬水代金金生水立秋以金代火

故至庚日必伏庚以狗禦蠱徐廣曰年表云初作伏祠社

者熱毒惡氣為傷害人故磔狗以禦之年表云初作伏祠社

熱毒氣也左傳云血蟲為蠱願德公生三十三歲而立

立二年卒生子三人長子宣公中子成少子

穆公長子宣公立宣公元年衛燕伐周正義曰衛

今衛州也燕南燕也周天王也括地志云滑州故出惠王

宋咸楊子法言注曰
漢書郊祀志又作口

立王子頹三年鄭伯號叔

正義曰括地志云洛州汜水縣古東魏國亦鄭之制

邑漢之成臯亦周穆王虎牢城左傳也殺子頹而入惠王

四年作密時

正義曰括地志云漢有五時在岐州雍縣南則幽時吳陽上時下時密時北時秦文公夢

黃蛇自天而下屬地其口止於廊衙作時郊祭白帝曰廊時

秦宣公作密時於渭南祭青帝秦靈公作吳陽上時祭黃帝

作下時亦祠黃帝漢高帝曰天有五帝今四與晉戰河陽

勝之十二年宣公卒生子九人莫立立其弟成

正義曰括地志云同州韓城縣南二

公成公元年梁伯

正義曰括地志云同州韓城縣南二

戎次于孤竹

正義曰括地志云孤竹故城在平州盧龍縣十二里殷時諸侯竹國也

立四年卒子七人莫立立其弟繆公

索隱曰秦自

史失其名今按世本古繆公任好元年自將伐茅津

史考得繆公名任好在陝州河北縣西二十里注水經云茅津及茅城勝之四

年迎婦於晉晉太子申生姊也其戚齊相公伐

楚至邵陵五年晉獻公滅虞虢虞君與其大

夫百里奚以璧馬賂於虞故也既虜百里奚以

為秦繆公夫人勝於秦百里奚亡秦走宛

地理志南陽有宛縣。正義曰楚鄙人執之繆公聞百里奚賢

欲重贖之恐楚人不與乃使人謂楚曰吾勝臣

百里奚在焉請以五羖羊皮贖之楚人遂許與

之當是時百里奚年已七十餘繆公釋其囚與

語國事謝曰臣亡國之臣何足問繆公曰虞君不用子故亡非子罪也固問語三日繆公大說授之國政號曰五穀大夫百里傒讓曰臣不及臣友蹇叔蹇叔賢而世莫知臣常游困於齊而乞食餽人徐廣曰餽一作銍。正義曰。蹇叔地名在沛縣。因而欲事齊君無知蹇叔止臣臣得脫齊難遂之周周王子頹好牛臣以養牛干之及頹欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且留再用其言得脫一不用及虞君難是以知其賢於是穆公

使人厚幣迎蹇叔以為上大夫秋繆公自將伐

晉戰於河曲徐廣曰一作西。駟案公羊傳曰河千里而一曲也。服虔曰河曲晉地杜預曰河曲在蒲坂

晉驪姬作亂太子申生死新城正義曰韋昭云曲沃新為太子城。括地志云絳州曲沃縣有曲沃故城。土人以為晉曲沃新城。

重耳夷吾出

九年齊相公會諸侯於葵丘正義曰。正義曰。重耳奔翟。重耳奔少梁也。

晉獻公卒立驪姬子奚齊其臣里克殺奚齊

荀息立卓子徐廣曰一作倬。克又殺卓子及荀息夷吾使

人請秦求入晉於是繆公許之使百里傒將兵

送夷吾夷吾謂曰誠得立請割晉之河西八城

正義曰謂同與秦及至已立而使不鄭謝秦背約
不與河西城而殺里克不鄭聞之恐因與繆公
謀曰晉人不欲夷吾實欲重耳今背秦約而殺
里克皆呂甥卻芮之計也願君以利益召呂卻
呂卻至則更入重耳便繆公許之使人與不鄭
歸召呂卻呂卻等疑不鄭有間乃言夷吾殺不
鄭不鄭子不豹奔秦說繆公曰晉君無道百姓
不親可伐也繆公曰百姓苟不便何故能誅其
大臣能誅其大臣此其調也正義曰調音徒聊反言
善於百姓調和也劉伯莊音徒弔反按調選
也邪臣誅忠臣用是夷吾能調選兩通也不聽而陰用

董份曰更事言更相
有也同勸之而美之
言大

豹十二年齊管仲隰朋死晉旱來請粟不豹說
繆公勿與因其飢而伐之繆公問公孫支公孫
支桑支曰飢穰更事耳不可不與問百里傒傒
曰夷吾得罪於君其百姓何罪於是用百里傒
公孫支言卒與之粟以船漕車轉自雍相望至
絳晉達曰雍秦國
都絳晉國都也十四年秦飢請粟於晉晉君謀
之羣臣號射曰正義射
音石也因其飢伐之可有大功
晉君從之十五年興兵將攻秦繆公發兵使不
豹將自往擊之九月壬戌與晉惠公夷吾合戰
於韓地正義曰左傳云僖公十五年秦晉戰于韓原秦獲
晉侯以歸括地志云韓原在同州韓城縣西南十

八里十六國春秋云魏顆夢父結草抗秦將杜回亦在韓原晉君弃其軍與秦爭利
還而馬驚正義曰執馬音致又勅利反國語云晉師繆公
與麾下馳追之不能得晉君反為晉軍所圍晉
擊繆公繆公傷於是岐下食善馬者三百人馳
冒晉軍晉軍解圍遂脫繆公而反生得晉君初
繆公三善馬岐下野人共得而食之者三百餘
人正義曰括地志云野人場在岐州雍縣東北二十里按野人盜馬食處因名焉吏逐得欲法
之繆公曰君子不以畜產害人吾聞食善馬肉
不飲酒傷人乃皆賜酒而赦之三百人者聞秦
擊晉皆求從從而見繆公窘亦皆推鋒爭死以

故一作又

雍

報食馬之德於是繆公虜晉君以歸令於國齋
宿吾將以晉君祠上帝周天子聞之曰晉我同
姓為請晉君夷吾姊亦為穆公夫人夫人聞之
乃衰絰跣曰妾兄弟不能相救以辱君命繆公
曰我得晉君以為功今天子為請夫人是憂乃
與晉君盟許歸之更舍上舍而饋之七牢賈逵曰諸侯雍餼七牢牛一羊一豕一為一牢也十一月歸晉君夷吾夷吾獻其
河西地使太子圍為質於秦秦妻子圍以宗女
是時秦地東至河正義曰晉河西八城入秦秦東境至河即龍門河也十八年
齊桓公卒二十年秦滅梁芮正義曰梁芮國皆在同州秦得其地故滅二國

君二十二年晉公子圍聞晉君病曰梁我母家也正義曰子圍母梁伯之女也而秦滅之我兄弟多即君百歲後秦必留我而晉輕亦更立他子子圍乃亡歸晉二十三年晉惠公卒子圍立為君秦怨圍亡去乃迎晉公子重耳於楚而妻以故子圍妻重耳初謝後乃受繆公益禮厚遇之二十四年春秦使人告晉大臣欲入重耳晉許之於是使人送重耳二月重耳立為晉君是為文公文公使人殺子圍子圍是為懷公其秋周襄王弟帶以翟伐王王出居鄭正義曰王居于汜邑也二十五年周王使

人告難於晉秦秦繆公將兵助晉文公入襄王殺王弟帶二十八年晉文公敗楚於城濮正義曰濮地也今濮州三十年繆公助晉文公圍鄭正義曰左傳傳信公過鄭鄭不禮之鄭使人言繆公曰亡鄭厚晉於晉而得矣而秦未有利晉之彊秦之憂也繆公乃罷兵歸晉亦罷三十二年冬晉文公卒鄭人有賣鄭於秦曰我主其城門鄭可襲也繆公問蹇叔百里奚對曰徑數國千里而襲人希有得利者且人賣鄭庸知我國人不有以我情告鄭者乎不可繆公曰子不知也吾已決矣遂發兵

已作乙
字遠曰左傳不言
西乞術為蹇叔子
也但云蹇叔哭其子
耳未知史遷何所
本

使百里奚子孟明視蹇叔子西乞術及白乙丙
將兵行曰百里奚蹇叔二人哭之繆公聞怒曰
孤發兵而子沮哭吾軍何也正義曰沮自呂反沮毀也左傳云蹇叔哭之曰
孟子吾見師之出不見其入也二老曰臣非敢沮君軍軍行臣本
作子與往正義與音預臣老遲還恐不相見故哭耳二
老退謂其子曰汝軍即敗必於殺距矣正義曰殺距音故交反
距音厄春秋云晉僖公三十三年晉人及姜戎敗秦師于殺距地志云土散山又名欽岑山在洛州永寧縣西北二十里
即古之微道也三十三年春秦兵遂東更晉地過周北門
周王孫滿曰秦師無禮正義曰左傳云秦師過周北門左右免胄而下超乘者三
百乘乘王孫滿尚幼觀之言於王曰秦師輕而無禮必敗林
預云王城北門也謂過天子門不卷甲東兵超乘示勇也不

急智

敗何待兵至滑正義曰為公反地志云緱氏故城在洛州緱氏縣東二十五里滑伯國也韋
昭云姬姓小國也鄭販賣賈人正義曰賣麥卦反賈音古左傳作商人也弦高姓
名持十二牛將賣之周見秦兵恐死虜因獻其
牛曰聞大國將誅鄭鄭君謹修守禦備使臣以
牛十二勞軍士秦三將軍相謂曰將襲鄭鄭今
已覺之往無及已滅滑滑晉之邊邑也當是時
晉文公喪尚未葬太子襄公怒曰秦侮我孤因
喪破我滑遂墨衰絰發兵遮秦兵於殺擊之大
破秦軍無一人得脫者虜秦三將以歸文公夫
人秦女也服虔曰繆公如為秦三囚將請曰繆公之怨此

陳曰穆公卒不
宜以諡稱

三人入於骨髓願令此三人歸令我君得自快
身之晉君許之歸秦三將三將至繆公素服郊
迎嚮三人哭曰孤以不用百里傒蹇叔言以辱
三子三子何罪乎子其悉心雪恥毋怠遂復三
人官秩如故愈益厚之二十四年楚太子商臣
弑其父成王代立繆公於是復使孟明視等將
兵伐晉戰于彭衙杜預曰馮翊郃陽縣西北有衙城。正義曰掃地志云彭衙故城在同州。
秦由余其先晉人也亡入戎能晉言聞繆公賢
故使由余觀秦秦繆公示以宮室積聚由余曰

柯維騏曰李善注西京賦引史記謂繆公示之以宮室引之登三休之高由余曰臣國土階三尺茅茨不剪寡君稅謂作之者勞居之者逸此臺若鬼之云其語比此為詳今所傳史記本無之豈為後人所刊復指秦時之史乎

使鬼為之則勞神矣使人為之亦苦民矣繆公
怪之問曰中國以詩書禮樂法度為政然尚時
亂今戎夷無此何以為治不亦難乎由余笑曰
此乃中國所以亂也夫自上聖黃帝作為禮樂
法度身以先之僅以小治及其後世日以驕淫
阻法度之威以責督於下下罷極正義罷音皮則以仁
義然望於上上下下交爭然而相篡弑至於滅宗
皆以此類也夫戎夷不然上含淳德以遇其下
下懷忠信以事其上國之政猶一身之治不
知所以治此真聖人之治也於是繆公退而問

內史康曰漢書百官表曰孤聞鄰國有聖人敵國之憂也今由余賢寡人之害將奈之何內史康曰戎王處辟匿未聞中國之聲君試遺其女樂以奪其志徐廣曰奪一作狗為由余請以疏其間留而莫遣以失其期戎王怪之必疑由余君臣有間乃可虜也且戎王好樂必怠於政繆公曰善因與由余曲席而坐正義曰按牀在穆公左右相連而坐謂之曲席也傳器而食問其地形與其兵勢盡言而後令內史康以女樂二八遺戎王戎王受而說之終年不還於是秦乃歸由余由余數諫不聽繆公又數使人問

要由余由余遂去降秦繆公以客禮禮之問伐戎之形正義曰韓國云秦穆公都地方三百里并國十四辟地千里隴西北地郡是也三十六年繆公復益厚子明等使將兵伐晉渡河焚船大敗晉人取王官及郟徐廣曰左傳作郊駟案服虔曰此晉地不能有此正義曰郟音州左傳作郊杜預云書取言易也括地志云王官故城在同州澄城縣西北九十里又云南郊故城在縣北十七里又有北郊故城又有西郊古城左傳云文公三年秦伯伐晉濟河焚舟取王官及郟也括地志云蒲州猗氏縣南二里又有王官故城亦秦伯取者上文公秦東地至河蓋猗氏王官是也以報殺之役晉人皆城守不敢出於是繆公乃自茅津徐廣曰在太陽封殺中尸賈逵曰為發喪哭

殺陣亡者

公作云

志云茅津在陝州渡河正義曰自茅津南渡河也封殺中尸賈逵曰為發喪哭

子迪先生梅忠信周

陳曰召公名過謚武召
穆公之後

之三曰乃誓於軍曰嗟士卒聽無譟余誓言告汝
古之人謀黃髮番番正義曰音婆字當作幡幡白頭
兒言髮白而更黃故云黃髮番
番以申思謂蹇
菽百里笑也則無所過以申思不用蹇菽百里
僕之謀故作此誓言令後世以記余過君子聞之
皆為垂涕曰嗟乎秦繆公之與人周也服虔曰
周備也卒
得孟明之慶三十七年秦用由余謀伐戎王益
國十二開地千里遂霸西戎天子使平公過賀
繆公以金鼓三十九年繆公卒葬雍皇覽曰秦繆
公葬在秦泉
宮祈年觀下。正義曰廟記云秦泉宮秦孝公造祈年觀德
公起蓋在雍州城內括地志云秦穆公冢在岐州雍縣東南
從死者百七十七人秦之良臣子輿氏三人

也作氏

葬上右從

正義曰毛萇云良善也。三善臣也。右傳云
子車氏之二子杜預云子車秦大夫也名曰奄息仲
行鍼虎亦在從死之中正義曰行音胡郎反鍼音其廉
反應劭云秦穆公與羣臣飲酒
酣公曰生共此樂死共此哀於是奄息仲行鍼虎許諾及公
薨皆從死黃鳥詩所為作也杜預云以人葬為殉也括地志
云二良冢在岐州
雍縣一里故城內秦人哀之為作歌黃鳥之詩君子
曰秦繆公廣地益國東服彊晉西霸戎夷然不
為諸侯盟主亦宜哉死而弃民收其良臣而從
死且先王崩尚猶遺德垂法况奪之善人良臣
百姓所哀者乎是以知秦不能復東征也穆公
子四十人其太子罃代立是為康公康公元年
往歲繆公之卒晉襄公亦卒襄公之弟名雍秦

云下有隨會

采章

出也正義曰雍母秦女故言秦出也在秦晉趙盾欲立之使隨會

雍秦以兵送正義曰韓昭云晉正卿士為之孫成伯之子季武子也食萊於隨池故曰隨會或曰范會季范子字也來迎

晉立襄公子而反擊秦師正義曰蒲州倚氏縣界十里秦師敗隨會

來奔二年秦伐晉於武城正義曰括地志云故武城一名武平城在華州鄭縣

報令狐之役四年晉伐秦取少梁正義曰前入秦

秦又取之六年秦伐晉取羈馬服虔曰戰於河曲

大敗晉軍晉人患隨會在秦為亂乃使魏雋餘

得會會遂歸晉康公立十二年卒子共公立義曰麟音受又作離音同詳反音羊合謀會詐而

陳曰會初晉史表在七年

曰名猥十代至靈公又並失名共公二年晉趙穿弑其君靈公三

年楚莊王彊北兵至緄問周鼎共公立五年卒

子栢公立和公三年晉敗我一將十年楚莊王

服鄭北敗晉兵於河上當是之時楚霸為會盟

合諸侯二十四年晉厲公初立與秦栢公夾河

而盟歸而秦倍盟與翟合謀擊晉二十六晉

率諸侯伐秦秦軍敗走追至涇而還栢公立二

十七年卒子景公立徐廣曰世本云景公名伯也

景公四年晉欒書弑其君厲公十五年救

鄭敗晉兵於櫟杜預曰晉地也正義曰櫟音歷是時

皇本紀作哀公

晉悼公為盟主十八年晉悼公彊數會諸侯率以伐秦敗秦軍秦軍走晉兵追之遂渡涇至棫林而還徐廣曰棫音域駟案杜預曰秦地也二十七年景公如晉與平公盟已而背之三十六年楚公子圍弒其君而自立是為靈王景公母弟屈子鍼正義音鉗有寵景公母弟富或譖之恐誅乃奔晉車重千乘晉平公曰屈子富如此何以自亡對曰秦公無道畏誅欲待其後世乃歸三十九年楚靈王彊會諸侯於申正義曰在鄧州南陽縣三十里為盟主殺齊慶封景公立四十年卒子哀公立索隱曰如里本紀作嬖公屈子復來歸

秦哀公八年楚公子棄疾弒靈王而自立是為平王十一年楚平王來求秦女為太子建妻至國女好而自娶之十五年楚平王欲誅建建亡正義曰太子建亡之鄭鄭殺之伍子胥奔吳晉公室卑而六卿彊欲內相攻是以久秦晉不相攻三十一年吳王闔閭與伍子胥伐楚楚王亡奔隨吳遂入郢楚大夫申包胥來告急正義曰包胥姓公孫封於申故號申包胥在傳云申包胥如秦乞師吳為封豕長蛇以荐食上國虐始於楚寡君失守社稷越在草莽使下臣告急曰夷德無厭若鄰於君疆場之患也逮吳之未定君其取八分焉若楚之遂亡七日不食日夜哭泣正義曰左傳云申包胥對秦伯曰寡君越在草莽未獲所伏下臣何敢即安立依於庭牆而哭日夜不絕聲飲不

秦哀公八年楚公子棄疾弒靈王而自立是為平王十一年楚平王來求秦女為太子建妻至國女好而自娶之十五年楚平王欲誅建建亡正義曰太子建亡之鄭鄭殺之伍子胥奔吳晉公室卑而六卿彊欲內相攻是以久秦晉不相攻三十一年吳王闔閭與伍子胥伐楚楚王亡奔隨吳遂入郢楚大夫申包胥來告急正義曰包胥姓公孫封於申故號申包胥在傳云申包胥如秦乞師吳為封豕長蛇以荐食上國虐始於楚寡君失守社稷越在草莽使下臣告急曰夷德無厭若鄰於君疆場之患也逮吳之未定君其取八分焉若楚之遂亡七日不食日夜哭泣正義曰左傳云申包胥對秦伯曰寡君越在草莽未獲所伏下臣何敢即安立依於庭牆而哭日夜不絕聲飲不

杜預曰荐救也言吳貪害如蛇豕又曰吳有楚則上秦隣出作世

王章曰以下叙秦晉之勢蓋秦之所以強者以晉分為三也

杜預曰無衣三章章
三頓首

陳曰晉卿中行范氏
及晉史表在四年

入口七日秦哀公為賦無於是秦乃發五百乘救楚
其九頓首而坐秦師乃出於是秦乃發五百乘救楚
正義曰左傳會定公五年秦子蒲子虎
帥車五百乘以救楚敗吳師於軍祥
楚昭王乃得復入郢
哀公立三十六年卒太子
夷公夷公蚤死不得立立夷公子是為惠公惠
公元年孔子行魯相事五年晉卿中行范氏反
晉晉使智氏趙簡子攻之范中行氏奔齊齊惠
公立十年卒子悼公立悼公二年齊臣田乞弒
其君孺子立其兄陽生為悼公六年吳敗齊師
齊人弒悼公立其子簡公九年晉定公與吳王
夫差盟爭長於黃池卒先吳徐廣曰外傳吳王先敵吳彊陵

陳曰楚滅陳史表在
十二年

中國十二年齊田常弒簡公立其弟平公常相
之十三年楚滅陳秦悼公立十四年卒子厲共
公立孔子以悼公十二年卒厲共公二年蜀人
來賂十六年塹河旁以兵二萬伐大荔取其王
城徐廣曰今之臨晉也臨晉有王城。正義曰荔音戾。括地
志云同州東三十里。朝邑縣東三十步。故王城大荔近丑
城二十一年初縣頻陽地理志馮翊有頻陽縣。正義
曰括地志云頻陽故城在雍州
同官縣界也古晉取武成二十四年晉亂殺智伯分
其國與趙韓魏二十五年智開與邑人來奔徐
廣曰一本本二十六年城南鄭也。正義曰開智伯
子伯被趙襄子等滅其國其子與從屬來奔秦三十二年
伐義渠虜其王應劭曰義渠北地也。正義曰括地志
云寧慶二州春秋及戰國時為義渠戎

陳曰史表十年卒本紀誤

國之二十四年日食厲共公卒子躁公立躁公二

地也正義曰南鄭今梁州所理縣也年南鄭反春秋及戰國時其地屬於楚也十二年義渠

來伐至渭南十四年躁公卒立其弟懷公索隱曰厲

其公子也生昭太子未立懷公四年庶長毘正義曰長

而卒太子之子是為靈公下丈反與大臣圍懷公自殺懷公太

子曰昭子蚤死大臣乃立太子昭子之子是為

靈公索隱曰生靈公懷公孫也靈公六年晉城少

梁秦擊之十三年城籍姑正義曰括地志云籍姑故

五靈公卒子獻公不得立索隱曰獻公名師立靈公季父

悼子是為簡公簡公昭之弟而懷公之子也索隱曰簡

昭之間有子字

下作丁

陳曰史表云史表在七年

陳曰史表蜀取我南鄭

公懷公弟靈公季父也子惠公立始皇本紀云靈公生簡公

誤也又紀年云簡公九年卒次敬公立十二年卒乃立惠公

厲公之孫今史記為簡公是昭子之弟懷公之子簡公六

年令吏初帶劍正義曰春秋官漸落城重泉地理

泉縣屬馮翊正義曰重直龍反括地志云十六年卒徐

重泉故城在同州蒲城縣東南四十五里也廣

曰表云十年子惠公立惠公十二年子出子生十三

年伐蜀取南鄭惠公卒出子立出子二年庶長

敗迎靈公之子獻公于河西而立之正義曰西者

之舊地時獻公在西縣故迎立之殺出子及其母沈之淵旁秦以

往者數易君君臣乖亂故晉復疆奪秦河西地正義曰奪前

所上八城也獻公元年徐廣曰出從死二年城櫟陽

一本無下合字
周本紀作合十七歲為是

徐廣曰徙都之今萬年是也。五義曰括地志云櫟陽故城一名萬年城在雍州東北百二十里櫟陽漢七年分櫟陽城內為萬年縣隋文帝開皇三年遷都於龍首川今京城也改萬年為大興縣至唐武德元年又改曰萬年置在州東七里四年正月庚寅孝公生十一年周太史儋見獻公曰周故與秦國合而別別五百歲復合合七十七歲而霸王出十六年桃冬花十八年雨金櫟陽五義曰言雨金於秦國都明金瑞見也二十一年與晉戰於石門五義曰括地志云堯門山俗名石門在雍州三原縣西北武德年中於此山南置石門縣貞觀年中改為雲陽縣斬首六萬天子賀以黼黻周禮曰白與黑謂之黻黼黑與青謂之黻二十三年與魏晉戰少梁虜其將公孫痤五義在戈反二十四年獻公卒徐廣曰表云

凌稚隆曰按小國十餘謂魯宋邾滕等國

陳曰一本巴作巫巴地屬秦非屬楚也

子孝公立索隱曰名渠梁年已二十一歲矣孝公元年申也河山以東疆國六與齊威楚甯魏惠燕悼韓衷趙成侯並洹泗之間五義曰並白浪反謂洹泗二水小國十餘楚魏與秦接界五義曰楚北及魏西與秦相接北白中巫郡也魏西界與秦相接南有巴渝過河南有黔洛水東岸向北有上郡邠州之地皆築長城以界秦境洛即漆沮水也魏築長城自鄭濱洛以北有上郡楚自漢中南有巴黔中周室微諸侯力政爭相併秦僻在雍州不與中國諸侯之會盟夷翟遇之孝公於是布惠振孤寡招戰士明功賞下令國中曰昔我穆公自岐雍之間修德行武東平晉亂以

河為界正義曰即龍門河也西霸戎翟廣地千里天子致伯
 諸侯畢賀為後世開業甚光美會往者厲蹠簡
 公出子之不寧國家內憂未遑外事三晉攻奪
 我先君河西地諸侯卑秦醜莫大焉獻公即位
 鎮撫邊境徙治櫟陽且欲東伐復穆公之故地
 脩穆公之政令寡人思念先君之意常痛於心
 賓客羣臣有能出奇計彊秦者吾且尊官與之
 分土於是乃出兵東圍陝城西斬戎之獮玉地
北天水有源道縣應衛鞅聞是令下西入秦因景監
劭曰源戎邑音栢求見孝公二年天子致胙三年衛鞅
正義曰監甲暫反闔人也

登作澄

麥推隆曰梅孝公時
已更封建矣

說孝公變法脩刑內務耕稼外勸戰死之賞罰
 孝公善之其龍杜摯等弗然相與爭之卒用鞅
 法百姓苦之居三年百姓便之乃拜鞅為左庶
 長其事在商君語中七年與魏惠王會杜平正義
曰在同州登八年與魏戰元里正義曰初城在有功
城縣界也十年衛鞅為大良造將兵圍魏安邑降之地理
河東有安邑縣正義曰括地志云安邑十一年作為
故城在絳州夏縣東北十五里本夏之都咸陽正義曰
咸陽縣古之抽築冀闕正義曰劉伯莊云冀秦徙都之
郵白起死處并諸小鄉聚正義曰萬二千五百家集為大縣縣一

令漢書百官表曰縣令長皆秦官萬戶以上為令秩千石至六百石減萬戶為長秩五百石至三百石皆有丞尉四
 十一縣為田開阡陌索隱曰風俗通曰南北曰阡東西曰陌
 東地渡洛十四年初為賦徐廣曰制貢賦之法也
 也十九年天子致伯正義曰伯音霸又如字孝公十九年天子始封爵為霸即太史儋云
 合七十七歲而霸王出之年故天子致伯相譚新論云夫上古稱三皇五帝而次有三王五伯此天下君之冠首也故言之曰無制令刑罰謂之皇有制令而無刑罰謂之帝賞善誅惡諸侯朝事謂之王興兵二十年諸侯畢賀秦使公約明以信義為世謂之伯
 子少官率師會諸侯逢澤徐廣曰開封東北有逢澤亦名逢池在汴州浚儀縣東南十四里朝天子二十一年齊敗魏馬陵正義曰康喜志林云濮州鄄城縣東北六十餘里有馬陵間谷深可以置伏按龐涓敗即此也二十二年

魏曰一本無慮魏之

誤

注為作偽

衛鞅擊魏虜魏公牟叩封鞅為列侯號商君正義曰商州商洛縣在州東八十二里鞅所封也契所封地二十四年與晉戰鴈門正義曰鴈門在州東八十二里鞅所封地
 卒子東文君立索隱曰是歲誅衛鞅鞅之初為秦施法法不行太子犯禁鞅曰法之不行自於貴戚君必欲行法先於太子太子不可黥黥其傅師於是法大用秦人治及孝公卒太子立宗室多怨鞅鞅亡因以為反而卒車裂以徇秦國漢書曰商君為法於秦戰斬一首賜爵一級欲為官者五千石其爵名一為公士二上造三簪裹四

凌雅隆曰按索隱注
犀首官名恐非

不更五大夫六公大夫七官大夫八公乘九五大夫十左庶
長十一右庶長十二左更十三中更十四右更十五少上造
十六大上造十七駟車庶長十八
大庶長十九關內侯二十徹侯
惠文君元年楚韓趙

蜀人來朝二年天子賀三年王冠禮記云年二十

禮也四年天子致文武胙齊魏為王索隱曰齊滅五

年陰晉人犀首晉秦惠王五年更名寧秦高祖八年更

陰各華為大良造犀首官名姓公孫名術○索隱曰官六年

魏納陰晉陰晉更名寧秦徐廣曰今七年公子卬

與魏戰虜其將龍賈斬首八萬八年魏納河西

地九年渡河取汾陰皮氏地理志云二縣屬河東○

民在絳州龍門縣西一里八十步即古皮氏城也與魏

舟作丹

王會應正義曰應乙陵反括地志云故應城因應山為名

應韓武圍焦降之正義曰括地志云焦城在陝州城內東

之穆也云虞繆焦滑霍陽韓魏皆姬姓也杜預云八國皆為晉

所滅按武王剋商封神農之後於焦而後封姬姓也十年

張儀相秦魏納上郡十五縣正義曰今鄜綏等州也

二州今納上郡而盡河西濱洛之地矣十一年縣義渠正義曰地理志云

縣也括地志云寧原慶三州秦北地郡戰國及春秋歸魏

時為義渠戎國之地周先公劉不窋居之古西戎也歸魏

焦曲沃正義曰括地志云曲沃在陝州縣西南三十二里

秦今還魏故言歸也義渠君為臣更名少梁曰夏陽十二年

注下臘一作獵

初臘正義曰臘盧蓋反十二月臘日也秦惠文王始效中

也風俗通云禮傳云夏曰嘉平殷曰清祀周曰蜡漢改曰臘

禮曰天子大蜡八伊耆氏始為蜡蜡者索也歲十二月合聚

王維祜曰後世改元倣此
陳曰秦惠文君稱王紀
缺不書其更十四年作後
元年蓋為稱王而更也

萬物而索與食之十三年四月戊午魏君為王韓亦為王正義曰魏襄王韓宣惠王也

使張儀伐取陝出其人與魏十四年

更為元年二年張儀與齊楚大臣會齧桑三年

韓魏太子來朝張儀相魏五年王游至北河徐曰戎地在河上。正義曰按王游觀北河至靈夏州之黃河也。

七年樂池正義曰樂音岳池徒何反裴氏

音他相秦韓趙魏燕齊帥匈奴共攻秦秦使庶

長疾與戰脩魚虜其將申差正義曰脩魚韓邑也年表云秦敗我脩魚得韓

將軍敗趙公子渴韓太子奐斬首八萬二千八

年張儀復相秦九年司馬錯伐蜀滅之索隱曰蜀西南夷舊

有君長故畧意娶蜀山氏女也其後有杜宇自立為王號曰望帝蜀王元年秦惠本紀曰張儀伐蜀蜀王開戰不勝為儀

所滅也伐取趙中都西陽地理志太原有中都縣。正義曰括地志云中都故縣在汾州

平遙縣西十二里即西都也西陽即中陽也在汾州隰城縣

南十里地理志云西都中陽屬西河郡此云伐取趙中都西

陽趙世家云秦即取我西都及中陽年表云秦惠文王後元

九年取趙中都西陽安邑趙武靈王十年秦取中都安陽本

紀世家年表其縣名異年歲寔同所伐唯一處故具錄之以示後學

十年韓太子蒼來質

伐取韓石章正義曰韓地名也伐敗趙將泥徐廣曰將一作泥。正義曰趙

將名也伐取義渠二十五城十一年樗里疾攻魏焦

降之敗韓岸門斬首萬其將犀首走公子通封

於蜀徐廣曰是歲王赧元年。索隱曰華陽國志曰赧王元年秦惠王封子通國為蜀侯以陳莊為相徐廣所

云亦據國燕君讓其臣子之十二年王與梁王會

臨晉庶長疾攻趙虜趙將莊張儀相楚十三年

陳曰公子通封于蜀史表在十二年

句一作句

陳曰壯一作莊蜀相陳莊

庶長章擊楚於丹陽虜其將屈匄斬首八萬又
 攻楚漢中取地六百里置漢中郡楚圍雍氏秦
 使庶長疾助韓而東攻齊到滿正義曰滿或作蒲秦將姓名也助
 魏攻燕十四年伐楚取召陵丹犁臣蜀正義曰二戎號也臣
 伏於蜀蜀相殺蜀侯并册犁二國降秦在蜀西南州府也相壯
 管內本西南夷戰國時蜀滇國唐初置犁州丹州也
 徐廣曰殺蜀侯來降東王卒子武王立索隱曰韓魏
 一作狀殺蜀侯來降東王卒子武王立
 齊楚越徐廣曰一作趙比肩賓從武王元年與魏東王會臨
 晉徐廣曰表云東王正義曰誅蜀相壯張儀魏章
 按魏惠王卒已二十五年矣
 皆東出之魏伐義渠丹犁二年初置丞相應劭曰丞者承
 也相者樛里疾甘茂為左右丞相張儀死於魏三
 助也

鮑彪曰窺小視也周室洛邑蓋欲取之不正言耳言三川知其志不止鎬京也

三川河洛伊

子思先生按武王曰死蓋貶辭

年與韓襄王會臨晉外正義曰外謂臨晉城外外字一作水南公揭
 卒樛里疾相韓武王謂甘茂曰寡人欲容車通
 三川窺周室死不恨矣其秋使甘茂庶長封伐
 宜陽正義曰在河南府福昌縣東十四里故韓城是也此韓之大郡伐取之三川路乃通也四年拔
 宜陽斬首六萬涉河城武遂徐廣曰韓邑也正義
 陽韓世家云東子居平陽九世至哀侯徙鄭楚世家云而韓
 猶服事秦者以先王墓在平陽而秦之武遂去之七十里故
 知近平陽魏太子來朝武王有力好戲力士任鄙烏
 獲子孟說皆至大官王與孟說舉鼎絕臍徐廣曰一作脉
 反絕臍也臍脛骨也八月武王死皇覽曰秦武王冢在扶
 大家是也人以爲周文王冢非也周文王冢在杜中正義
 曰括地志云秦悼武王陵在雍州咸陽縣西北十五里也

昭襄王

族孟說武王取魏女為后無子立異母弟是為昭襄王索隱曰名則一名稷武王弟昭襄母楚人姓芊氏號宣

太后武王死時昭襄王為質於燕燕人送歸得

立昭襄王元年嚴君疾為相正義曰蓋封蜀郡嚴道縣因號嚴君疾名也

甘茂出之魏二年彗星見正義曰彗似歲反又先到反庶長壯

與大臣諸侯公子為逆皆誅及惠文后皆不得

良死徐廣曰迎婦於楚者悼武王后出歸魏三年王冠與楚

王會黃棘正義曰棘紀力反蓋在房襄二州也與楚上庸地理志漢中有上庸縣○正義曰括地志云上庸今房州竹邑縣及金州是也

四年取蒲坂正義曰括地志云蒲坂故城在蒲州河東縣南二里即堯舜所都也彗星見五年魏王來朝應亭徐廣曰魏世家

云晉論晉○復與魏蒲坂六年蜀侯輝反索隱曰輝音乙陵反

韓陽國共曰秦封王子煇為蜀侯侯祭歸昨於王後母疾之加毒以進王大怒使司馬錯賜煇劍此煇不同也

馬錯定蜀庶長奐伐楚斬首二萬涇陽君質於

齊索隱曰齊名市日食晝晦七年拔新城正義曰楚世家云懷王二十九年秦復伐楚大破楚軍楚軍死二萬殺我將軍景缺年表云秦敗我襄城殺景缺括地志云許州襄城縣即古新城縣也按世家年表則新擣里子卒八年使將軍芊戎攻楚取

新市晉帝記曰江夏有新市縣齊使童子魏使公孫喜韓使暴

為共攻楚方城取唐昧索隱曰暴為韓將姓名趙破中山其

君孟竟死齊魏公子勁韓公子長為諸侯索隱曰別封之邑北之諸侯猶

九年孟嘗君薛文來相秦奐攻

唐昧楚將

商君趙長安君然

九年孟嘗君薛文來相秦奐攻

唐昧楚將

商君趙長安君然

九年孟嘗君薛文來相秦奐攻

唐昧楚將

商君趙長安君然

九年孟嘗君薛文來相秦奐攻

唐昧楚將

陳曰懷王朝秦史表
在八年
子迪先生按金受蓋
孟嘗君信說秦主
孟嘗君者也正注
秦丞相忍非
陳曰韓魏之攻秦
史表在九年

楚取八城殺其將景快十年楚懷王入朝秦秦
留之薛文以金受免正義曰金受秦丞相樓緩為丞

相十一年齊韓魏趙宋中山五國共攻秦正義曰

此時屬趙故至鹽氏而還徐廣曰鹽一作監。正義曰

城在蒲州安邑縣按秦與韓魏河北及封陵以和正

掌鹽地之官因稱氏秦與韓魏武遂以和按河外陝虢曲沃等

地封陵在古蒲坂縣西南河曲之中武遂平陽地也

星見楚懷王走之趙趙不受還之秦即死歸葬

十二年樓緩免穰侯正義曰穰侯即古穰侯國魏冉為

相平楚粟五萬石十三年向壽伐韓取武始武始郡有武始縣。正義曰括地志云左更白起攻新

陳曰左更錯云及
鄧史表在八年

城正義曰白起傳云白起為左庶長將兵擊韓之新城括地
州南七括地志云洛州伊闕縣本是漢新城縣隋文帝改為伊闕在洛
十里表曰郡五大夫禮出三奔魏任鄙為漢中守漢書
十四年在更白起攻韓魏於伊闕正義曰括
關在洛州南十九里注水經云昔大禹疏龍門以通水兩山
相對望之若關伊水歷其間故謂之伊闕按今洛南猶謂之
龍門

斬首二十四萬虜公孫喜拔五城十五年

大良造白起攻魏取垣正義曰垣音表前秦取蒲坂

又取魏垣復與之後復予之攻楚取宛十六年左更

錯取軹及鄧地理志河內有軹縣南陽有鄧縣。正義曰

里故鄧城在懷州河陽縣西三十一里並

宛公子悝索隱曰悝號高陵君初魏冉陶為諸侯

兵作而

陳曰一本初作魏
又曰宋王在魏死温
史表在二十二年
凌雅隆曰梅淫陽君即
市語樓

十七年城陽君正義曰括地志云濮州雷澤縣本漢郡
入朝及東周君來朝秦以垣為蒲坂

皮氏索隱曰為當為易蓋字訛也。正義曰蒲坂今河
東縣也皮氏故縣在絳州龍門縣西一里八十步

之宜陽十八年錯攻垣正義曰蓋蒲坂皮氏又歸魏
魏復以為垣今重攻取之也

雍決橋取之徐廣曰汲冢紀年云魏哀王二十四年改
宜陽曰河雍改向曰高平向在朝之西

九年王為西帝齊為東帝皆復去之呂禮來自

歸齊破宋宋王在魏死温任鄙卒二十年徐廣曰

父馬王之漢中又之上郡北河二十一年杜馬生牛

而錯攻魏河內魏獻安邑秦出其人募徙河東

賜爵赦罪人遷之涇陽君封宛二十二年蒙武

凌雅隆曰梅古史河東
上有取字

伐齊河東為九縣與楚王會宛與趙王會中陽

地理志西河有中陽縣二十二年尉斯離正義曰尉都尉斯離名也與三晉

燕伐齊索隱曰尉秦官破之濟西王與魏王會宜

陽與韓王會新城二十四年與楚王會鄢正義

於建反又音偃括地志云故偃城在襄州安養縣北二里古鄆子之國又會穰秦取魏安

城地理志云汝南有安城縣。正義曰括地至大梁燕趙

救之秦軍去魏冉免相二十五年拔趙二城與

韓王會新城與魏王會新明邑二十六年赦罪

人遷之穰侯冉復相二十七年錯攻楚赦罪人

遷之南陽正義曰南陽及上遷白起攻趙取代光狼

凌雅隆曰梅新明邑不
詳其邑或新所取者故
赦罪人遷之

城正義曰括地志云光狼故城在澤州高平縣西二十里又使司馬錯發隴西因

蜀攻楚黔中黔中今黔中府也拔之二十八年大良造白

起攻楚取鄢鄧正義曰鄢鄧二城並在襄州赦罪人遷之二十

九年大良造白起攻楚取郢為南郡正義曰括地志云郢城在

荆州江陵縣東北六里楚平王築都之地也楚王走周君來王與楚王會

襄陵地理志云襄陵縣在襄州東南二十五里白起為武安君正義曰言能撫養軍士戰必克

得百姓安集故號武安故城在路州武安縣西南五十里七國三十年蜀守若伐取巫

郡正義曰華陽國志張若為蜀中郡及江南為黔中郡

白起正義曰括地志云黔中故城在辰州沅陵縣西二十里江南今黔中府亦其地也三十一年白起

伐魏取兩城楚人反我江南正義曰黔中郡反歸楚三十二

年相穰侯攻魏至大梁破暴鳶斬首四萬鳶走

魏入三縣請和三十二年客卿胡傷攻魏卷地理

取之地理志云卷音丘表反括地志云蔡陽長社

在許州長社縣西正義曰括地志云蔡陽今

一里比日魏邑也正義曰括地志云故華

城在鄭州管城縣南三十里國語云史伯封鄭桓公號鄆十

邑華其一也華陽即此城也按是斬首十五萬魏入南

陽以和徐廣曰河內脩武古曰南陽秦始皇更名河內屬

故曰南陽秦破其外軍斬首十五萬魏入南陽以和三十

懷下恐脫州

懷下恐脫州

懷下恐脫州

懷下恐脫州

懷下恐脫州

懷下恐脫州

懷下恐脫州

懷下恐脫州

此三義 注皆脫 武安君 註亦脫 黔中郡 下註脫

本春秋書法

陳曰擊芒之以和 史表在三十四年 封作對

懷下恐脫州

注与作預

鞮

四年秦與魏韓上庸地為一郡南陽免臣遷居
 之三十五年佐韓魏楚伐燕初置南陽郡正義曰今
鄧州也前已屬秦秦置南陽郡在漢水之北釋名云在中國
之南旧名陽地故以為名焉張衡南都賦云倍京之南居漢
 陽三十六年客卿竈攻齊取剛壽正義曰括地志
州龍丘縣界予穰侯三十八年中更胡傷攻趙閼
壽鄆州之縣與孟康曰音焉與邑名在上黨涅縣西。正義曰閼於達反
與音預閼與聚城一名鳥蘇城在路州銅銀縣西北二十
里趙奢破秦軍處又儀州和順縣即古閼與城亦云趙奢破
秦軍處然儀州與潞州相近二所未詳又閼與山在路州武
安縣西南五十里趙奢拒秦軍於閼與即山北也按閼與不
山在武安故城西南又近武安故城益儀州是所封故地也
 能取四十年悼太子死魏歸葬芷陽徐廣曰今霸
括地志云芷陽在雍州藍田縣西六里。正
秦記云鹿原東有霸川之西坂故芷陽也四十一年夏攻

魏取邢丘懷徐廣曰邢丘在平臯。案韓信外傳武王伐
脩武。正義曰括地志云平臯故城本邢丘邑漢置平臯縣
在懷州武德縣東南二十里故懷城周之懷邑在懷州武陵
縣西十四十二年安國君為太子十月宣太后薨
徐廣曰葬芷陽酈山正義曰酈力知反在雍九月穰
羊氏侯出之陶四十二年武安君白起攻韓拔九城
 斬首五萬四十四年攻韓南郡取之四十五年
 五大夫黃正義曰音奔五大攻韓取十城葉陽一云
車涉反懼出之國未至而死四十七年秦攻韓
 上黨上黨降趙秦因攻趙趙發兵擊秦相距秦
 使武安君白起擊大破趙於長平四十餘萬盡

信作

一本陽
字下有
君字

殺之四十八年十月韓獻垣雍司馬彪曰河南卷縣有垣雍城秦軍分爲三軍武安君歸王齮將伐趙武安皮牢拔之司馬梗北定太原盡有韓上黨正月兵罷復守上黨其十月五大夫陵攻趙邯鄲四十九年正月益發卒佐陵陵戰不善免王齮代將其十月將軍張唐攻魏爲蔡尉王義曰爲于偽反蔡姓尉名捐弗守還斬之五十年十月武安君白起有罪爲士伍遷陰密如淳曰嘗有爵而以罪奪爵皆稱士伍。王義曰括地志云陰密故城在涇州鶉觚縣西即古國也張唐攻鄭拔之十二月益發卒軍汾城旁王義曰括地志云臨汾故城在絳州正平縣東北二十五里即古臨汾縣城也按汾城即此城是也武安君

白起有罪死齮攻邯鄲不拔去還奔汾軍二月餘攻晉軍斬首六千晉楚流死河一萬人徐廣曰一作楚走王義曰按此時無楚軍走字是也攻汾城即從唐拔寧徐廣曰一作曼此趙邑也魏王義曰唐今晉州平陽堯都也括地志云寧新中七國時魏邑秦昭襄王拔魏寧新中更名安陽城即今相州外城是也新中寧新中更名安陽徐廣曰魏郡有安陽縣陽初作河橋王義曰此橋在同州臨晉縣東渡河至蒲州今蒲津橋也五十一年將軍摎攻韓取陽城負黍王義曰今河南府縣也負黍亭在陽城縣西南二十五里本周邑亦斬首四萬攻趙取二十餘縣首虜九萬時屬韓也西周君王義曰武公背秦與諸侯約從將天下銳兵出伊闕攻秦王義曰秦母得通陽城於是秦使將軍摎

周本紀城字无

楊慎曰昭王三十八年使千人没泗水求周鼎不獲此云九鼎奈何耶

攻西周西周君走來自歸頓首受罪盡獻其邑

三十六城口二萬秦王受獻歸其君於周五十

二年周民東亡其器九鼎入秦正義曰器謂寶器也

荆山下各象九州之物故言九鼎麻止殷至周赧王十周初

云五十二年天下來賓魏後秦使摎伐魏取吳

城徐廣曰在大陽。正義曰括地志云廣城故城在陝州河

於周之北故夏墟韓王入朝魏委國聽令五十四

年王郊見上帝於雍五十六年秋昭襄王卒子

孝文王立索隱曰名柱五十三而立立尊唐八子為

唐太后徐廣曰八子者妾媵之號姓唐。正義曰孝文王

東作中

唐作三

秩至百石凡十四等漢書外而合其葬於先王以其母

戚傳云八子視千石比東更昭王入葬韓王衰經入弔祠諸侯皆使其將相來

弔祠視喪事孝文王元年赦罪人修先王功臣

褒厚親戚苑苑囿孝文王除喪十月巳亥即位

三日辛丑卒子莊襄王立索隱曰名子楚三十二而

立四年卒葬陽陵子始

襄莊襄王元年大赦罪人修先王功臣施德厚

骨肉而布惠於民東周君與諸侯謀秦秦使相

國吊不韋誅之盡入其國秦不絕其祀以陽人

地地理志河南潁賜周君奉其祭祀使蒙驁伐韓

韓獻成臯鞏正義曰括地志云洛州汜水縣古之號國

作鞏恭勇反

怒作急

六作田

接作按

及今洛州鞏縣爾時秦滅東

周韓亦得其地又獻於秦秦界至大梁初置三川

郡韋昭曰有河洛伊故曰三川二年使蒙驁攻趙定

太原三年蒙驁攻魏高都徐廣曰一作波波縣

汲音怒括地志云高都故城今澤州是汲故在衛州所理汲

縣西南二十五里孟康云漢波縣今鄆城是也括地志云故

鄆城在懷州河內縣西三十二里在拔之攻趙榆次新

城狼孟正義曰括地志云榆次并州縣即古榆次地也新

孟故城在并州陽曲縣東北二十六里取三十七城四

月日食四年王翦攻上黨正義曰上黨又初置太

原郡正義曰上黨以北皆太魏將無忌率五國兵擊

秦正義曰信陵君也率趙秦却於河外正義曰蒙驁被

而却至於河外河外陝華二州也蒙驁敗解而去五月丙午莊襄

王卒子政立是為秦始皇帝索隱曰十三而立立二

世皇秦王政立二十六年初并天下為三十六

郡號為始皇帝始皇帝五十一年而崩子胡亥

立是為二世皇帝索隱曰十二而立紀云二十一立三

一十七歲此實本紀而三年諸侯並起叛秦趙高殺

二世立子嬰子嬰立月餘諸侯誅之遂滅秦其

語在始皇本紀中

太史公曰秦之先為嬴姓其後分封以國為姓

有徐氏郟氏莒氏終黎氏徐廣曰世本作鍾離應劭

一

也

是運奄氏菟裘氏將梁氏黃氏江氏脩魚氏白
稟氏蜚廉氏秦氏然秦以其先造父封趙城為
趙氏

索隱述贊曰

栢翳佐舜

皂游是旌

蜚廉事紂

石椁斯營

造父善馭

封之趙城

非子息馬

厥號秦嬴

禮樂射御

西垂有聲

襄公救周

始命列國

金祠白帝

龍祚水德

祥應陳寶

妖除豐特

里奚致霸

衛鞅任刻

厥后吞并

卒成凶慝

該捌阡伍伯陸拾陸字

註壹萬玖伯壹拾貳字

秦本紀第五

史記五

Blank columns for text on the right page.

秦始皇本紀第六

史記六

秦始皇帝者秦莊襄王子也

索隱曰莊襄王有孝文王之中子昭襄王之孫

也名子楚按戰國策本名子異後為華陽未人嗣夫人楚人因改名子楚也

莊襄王為秦質

子於趙

正義曰質音致國疆欲待弱之來相事故遣子及貴臣往

不韋姬悅而取之

索隱曰按不韋傳云不韋陽翟大賈也其姬邯鄲豪家女善歌舞有姬而

獻於楚生始皇以秦昭王四十八年正月生於邯鄲

及生名為政姓趙氏

徐廣曰一作正宋忠云以正月旦生故名正

本作政又生於趙故曰趙政

一曰秦與趙同祖以趙城為榮故姓趙氏

曰生於趙因為政後

年十二歲莊襄王死政代立為

以始皇諱故音征

年十二歲莊襄王死政代立為

子迪先生按正義直實

凌稚隆曰按東軒筆錄云秦始皇諱政至今呼正月為征月

秦王當是之時秦地已并巴蜀漢中越宛有郢
置南郡矣北收上郡以東有河東太原上黨郡
東至滎陽滅二周置三川郡呂不韋為相封十
萬戶號曰文信侯招致賓客游士欲以并天下
李斯為舍人文穎曰主廐內小吏官名或曰侍從賓客謂之舍人也蒙驁為王齕
徐廣曰一作齕。索隱曰蒙驁齊人蒙武之父蒙恬之祖王齕即王騎昭王二十九年代大夫陵伐趙者。正義曰齕音齕反劉伯莊音綺後同庶公等為將軍應劭曰庶秦邑。索隱曰庶公蓋庶庶公史失其姓名。正義曰庶彼苗反蓋秦之縣邑大夫稱公若楚制王年少初即位委國事
大臣晉陽反
元年將軍蒙驁擊定之

凌雅隆曰梅內粟科
爵此
疫上有大

千作干

二年庶公將卒攻卷正義曰將子匠反卒子必反卷在負反斬首三萬
二年蒙驁攻韓取十三城王齕死十月將軍蒙
驁攻魏氏賜有詭徐廣曰賜音場。索隱曰音暢魏之邑名歲大飢
四年拔賜有詭三月軍罷秦質子歸自趙趙太
子出歸國十月庚寅蝗蟲從東方來蔽天天下
疫百姓內粟千石拜爵一級
五年將軍蒙驁攻魏定酸棗地理志陳留有酸棗縣。正義曰括地志云酸棗故城在滑州酸棗縣北十五里古酸棗縣南燕虛長平徐廣曰一作千駟案地理志曰二邑名春秋相十二年會于虛又戰國策曰拔燕酸棗虛挑人挑人亦魏邑虛地今關蓋與諸縣相近按今東郡燕縣東三十里有故挑城則亦非遠。正義曰燕烏田反括地志云南燕城古燕國也滑州胙城縣是也姚虛在滑州雷澤
千作干

縣東十三里孝經援神契云帝舜生於姚墟即雍丘山陽
東郡也長平故城在陳州宛丘縣西六十六里

城地理志陳留縣有雍丘縣河內有山陽縣皆拔之取二十城

初置東郡冬雷

六年韓魏趙衛楚共擊秦取壽陵正義曰徐廣云在常山按

本趙秦出兵五國兵罷拔衛迫東郡其君角率

其支屬徙居野王阻其山以保魏之河內

七年彗星先出東方見北方五月見西方正義曰

歲反見並音行練反子經內記云彗出北斗兵大起彗在二

台臣害君彗在大微星害臣彗在天獄諸侯作亂所指其處

大惡彗有日將軍驚死以攻龍孤慶都徐廣曰慶一

旁于欲殺父將軍驚死以攻龍孤慶都作鹿正義

日掃地志云定州恒陽縣西南四十里有白龍水又有挾龍

山又定州唐縣東北五十四里有孤山蓋嶺山也帝王紀云

望堯母慶都所居張史云堯山在北堯母慶都山在南相去

五十里北登堯山南望慶都山也注水經云望都故城東有

山不連陵名之曰孤孤都聲相近疑還兵攻汲彗星復

見正義復扶富西方十六日夏木后死索隱曰莊襄

楚母也

八年王弟長安君成蟜正義曰蟜音紀兆反成蟜者

將軍擊趙反正義曰將如字將死屯留正義曰括地

城在潞州長子縣東北軍吏皆斬死遷其民於臨洮

正義曰臨洮水故名臨洮洮州在隴右去京千五百五十

一里言屯留之民被成蟜略衆共反故遷之於臨洮郡將

軍辟死正義曰壁邊覓反言卒屯留蒲鶮反戮其

屍徐廣曰鶮一作鶮屯留蒲鶮皆地名也壁於此地時士卒

死者皆戮其屍索隱曰臨洮在隴西高誘云屯留上黨

行見行練誤

之縣名謂成蟜為將軍而反秦兵擊之而蟜壁於屯留而死
屯留蒲鶮二邑之反卒雖死猶皆戮其屍鶮古鶴字。正義
曰卒子忽反鶮音高。河魚大上。索隱曰謂河水溢魚大上
汪同蒲鶮皆地名。河魚大上。平地亦言遭水害也。即漢
書五行志劉向所謂豕蟲之孽。明年嫪毐誅魚陰類。小人象
志云魚者陰類。臣民之象也。十七年滅韓。二十六年盡并天
下。自滅韓至并天下蓋十年矣。周本紀云十年數之紀也。天
下之所棄不過其紀。明關也。輕車重馬東就食。徐廣曰
東後屬秦。其象類先見也。輕車重馬東就食。皆輕車
重字。索隱曰言河魚大上。秦人皆輕車重馬。並就食於東
言往河旁食魚也。一云河魚大上為火。人遂東就食。皆輕車
重馬。嫪毐。正義上躬虬。封為長信侯。予之山陽地。
正義曰予音與。括地志云山陽故城。令毒居之。索隱曰嫪
在懷州修武縣西北。太行山東南。姓毒字按
漢書嫪毐出却鞏。王劭云。賈侍中說秦始皇
母予嫪毐淫坐誅。故世人罵淫曰嫪毐也。宮室車馬衣
服苑囿馳獵恣毒事無小大皆決於毒。又以河

西徐廣曰河一作汾太原郡更為毒國

九年彗星見或竟天攻魏垣蒲陽

正義垣作垣垣音袁括地志云

故垣城漢縣治本魏一垣也在絳州垣縣西北二十里蒲陽

故城在隰州縣北四十五里在蒲水之北故言蒲陽即晉公

子重耳所居邑也四月上宿雍蔡邕曰上者尊位所在也裴駘

但言上不敢媿已酉王冠帶劍徐廣曰年二十二。正

言尊尊之意也長信侯毒作亂而覺矯王御璽蔡邕

年二十一也者進也凡衣服加於身飲食入於口妃妾接於寢皆曰御御

之親愛者曰幸璽者印信也天子璽白玉螭虎鈕古者尊卑

共之月令曰固封璽左傳曰季武子璽書追而與之此諸侯
大夫印稱璽也衛宏曰秦以前民皆以金玉為印龍虎鈕唯
其所好秦以來天子獨以印稱璽又獨以玉羣臣莫敢用。
正義曰崔浩云李斯磨和璧作之漢諸帝世傳服之謂傳國
璽韋曜吳書云璽方四寸上勾交五龍文曰受命于天既壽
永昌漢書云文曰昊天上帝壽昌按二文不同漢書元

后傳云王莽令王舜逼太后取壘王太后怒投地其角小缺
 吳志云孫堅入洛掃除漢陵廟軍於魏官井得壘後歸魏晉
 懷帝永嘉五年六月帝蒙塵平陽壘入前趙劉聰至東晉成
 帝咸和四年石勒滅前趙得壘穆帝永和八年石勒為慕容
 俊滅漢陽太守戴施入鄴得壘使向融送晉傳宋宋傳南齊
 南齊傳梁梁傳至天正二年侯景破梁至廣陵北齊將辛術
 定廣陵得壘送北齊至周建德六年正月平北齊壘入周周傳隋隋傳唐也
 及太后壘以發
 縣卒正義子忽及衛卒官騎戎翟君公舍人將欲
 攻斬年宮為亂地理志斬年宮在雍正義曰斬巨衣
 內王知之令相國晁平君君晁文君發卒攻毒索隱
 曰晁平君楚之公子立以為相後徙於郢項戰咸陽正義曰括
 燕立為荆王史失其名晁文君亦不知也
 也斬首數百皆拜爵及宦者皆在戰中亦拜爵

仲父 御
凌推隆曰梅鬼薪
即今徒囚

械 謁械

一級毒等敗走即令國中
 殺之五十萬盡得毒等衛尉竭漢書百官表內史
 肆佐弋竭漢書百官表曰秦時少府有佐弋漢武中大
 夫令齊等正義曰令力政反中大二十人比自鼻水首縣
 於木上曰鼻正義曰鼻車裂以徇滅其宗正義曰說
 古堯反懸首於木上曰鼻正義曰鼻車裂以徇滅其宗正義曰說
 重太后不謹幸即嫪毐始皇取毒四支車裂之取兩弟撲殺
 之取太后遷之咸陽宮下令曰以太后事諫者戮而殺之
 藜其脊諫而死者二十七人茅焦乃上說曰齊客茅焦願以
 太后事諫皇帝曰走告若不見闕下積死人耶使者問焦以
 曰陛下車裂假父有嫉妬之心囊撲兩弟有不慈之名遷母
 咸陽有不孝之行蒞蒞諫士有桀紂之治天下聞之盡瓦解
 無向秦者王乃自迎太后歸咸陽立茅焦為及其舍人輕
 傳又爵之上卿地志云茅焦為及其舍人輕
 者為鬼薪應劭曰取薪給宗廟為鬼薪也如淳曰律說鬼
 薪作三歲正義曰言毒舍人罪重者已刑戮

輕者罰徒及奪爵遷蜀四千餘家房陵古楚漢中郡地也家房陵義曰
役三歲及奪爵遷蜀四千餘家房陵古楚漢中郡地也家房陵義曰
云房陵即今房州房陵縣古楚漢中郡地也是巴蜀之境也
地理志云房陵縣屬漢中郡在益州部接東南一千三百一十里
也四月寒凍有死者正義曰四月建巳之月孟夏寒凍
而史書之故尚書洪範云急常寒楊端和攻衍氏索隱
若孔注云君行急則常寒順之楊端和攻衍氏索隱
和秦將衍氏魏邑在鄭州彗星見西方又見北方從斗
以南八十日
十年徐璜曰相國呂不韋坐嫪毐毒免桓齮為將
軍齊趙來置酒齊人茅焦說秦王曰秦方以天
下為事而大王有遷母太后之名恐諸侯聞之
由此倍秦也秦王乃迎太后於雍而入咸陽說

曰始皇帝立茅焦為傅又爵之上卿太后大喜曰天下亢復
直使敗復成安秦社稷使妾母子復相見者茅君之力也復
居甘泉宮徐廣曰表云咸陽南宮也大索逐客李斯上書說乃
止逐客令李斯因說秦王請先取韓以恐他國
於是使斯下韓韓王患之與韓非謀弱秦大梁
人尉繚來說秦王曰以秦之彊諸侯譬如郡縣
之君臣但恐諸侯合從翕而出不意此乃智伯
夫差湣王之所以亡也願大王母愛財物賂其
豪臣以亂其謀不過云三十萬金則諸侯可盡
秦王從其計見尉繚元禮衣服食飲與繚同繚
曰秦王為人蜂準徐廣曰蜂一作隆正義曰蜂準逢
反準章允反蜂萬也高鼻也文惠曰

準鼻也。長目擊鳥膺。正義曰：鷲鳥膺，突向前，其性悍勇，豺聲以因而虎狼心，居約易出人下。正義曰：易以鼓反，言始皇居儉約之時，易以謙卑。得志亦輕食人。正義曰：言始皇得天下之志，亦輕易而啖食於人。我布衣然見我常身自下，我誠使秦王得志於天下，天下皆為虜矣，不可與久游，乃亡去。秦王覺固止，以為秦國尉。正義曰：若漢大尉，卒用其計策而李斯用事。

十一年，王前羽桓齧楊端和攻鄴，取九城。王前羽攻關與掠楊。徐廣曰：掠音老，在并州。正義曰：關表在清河，有三州志云：輪陽上黨西北百八十里也。皆并為一軍，翦將十八日，軍歸斗食以下。漢書百石表曰：百石

以下有斗食佐史之秩。什推二人從軍。索隱曰：言王皆歸斗食以下，无功佐史。什中唯釋二人，令從軍耳。取鄴安陽，桓齧將十二年，文信侯不韋死，竊葬。索隱曰：按不韋飲鴆死，其寘客數千人，寘竊

共葬於洛陽北首山，其舍人臨者晉人也，逐出之。正義曰：臨力逐出，令歸也。秦人六百石以上，奪爵遷。

若其官爵，遷移於房陵，五百石以下，不臨遷，勿奪爵。正義曰：若其官爵，亦遷移於房陵。不韋者，自今以來，操國事不道。

如嫪毐，母不韋者，籍其門，視此。徐廣曰：門一作文。索隱曰：謂籍沒其一門，皆為徒隸，後並視此為常。正義曰：籍錄其子孫，禁不得仕宦。秋，復嫪毐，母舍人遷蜀者，當是之時，天下大旱，六月至八月，乃雨。

十二年桓齮攻趙平陽

正義曰括地志云平陽故城在相州臨漳縣西二十五里

又云平陽戰國時屬韓後屬趙

殺趙將唐軻

正義曰唐音戶軻音張獵反趙之將軍軻斬首

十萬王之河南正月彗星見東方十月桓齮攻

趙

十四年攻趙軍於平陽取宜安

正義曰括地志云宜安故城在常州京城

縣西南二十五里也

破之殺其將軍桓齮定平陽武城

正義曰即

貝州武成縣外城是也七國時趙邑韓非使秦秦用李斯謀留非非

死雲陽

正義曰括地志云雲陽城在雍州雲陽縣西八十里秦始皇甘泉宮在焉韓王請為

臣

十五年大興兵一軍至鄴一軍至太原取狼孟

地理志太原有狼孟縣地動

十六年九月發卒受地韓南陽假守

正義曰假格雅反守音符

騰初令男子書年魏獻地於秦秦置麗邑

正義曰麗邑

力知反括地志云雍州新豐縣本周時驪戎邑左傳云晉獻公伐驪戎杜注云在京兆新豐縣其後秦滅之以為邑

十七年內史騰攻韓得韓王安盡納其地

正義曰韓王安之九年秦盡滅之以其地為郡命曰穎川地動華陽太

虐卒民大飢

十八年

徐廣曰巴郡出大人長二十五丈六尺

大興兵攻趙王翦將上

正義曰上郡上縣今緱州等是也

下井陘

服虔曰山名在常山今為縣音刑端和將

河內羌獯伐趙端和圍邯鄲城

陳曰正義本作平陽

十九年王翦先虜正義胡盡定取趙地東陽得趙王索隱曰趙王遷也口正義曰趙幽繆王遷八年秦取趙地至平陽平陽在貝州歷亭縣界遷王於房陵引兵欲攻燕屯中山秦王之邯鄲諸嘗與王生趙時母家有仇然皆阬之秦王還從太原上郡歸始皇帝母太后崩趙公子嘉率其宗數百人代之自立為代王東與燕合兵軍上谷大飢二十年燕太子丹患秦兵至國恐使荆軻刺秦王秦王覺之體解正義紅軻以徇而使王翦辛勝攻燕燕代發兵擊秦軍秦軍破燕易水之西二十一年王黃正義音奔攻薊乃益發卒詣王翦軍

余有丁白前攻毒有相國昌平君今或坐新鄭及而徙

一本作昌平君

陳曰昌平君即楚公子子為秦相國徙於郢

遂破燕太子軍取燕薊城得太子丹之首燕王東收遼東而王之正義王于放反王翦謝病老歸新鄭反昌平軍徙於郢大雨雪正義雨于趙反深二尺五寸二十二年王賁攻魏引河溝灌大梁大梁城壞其王請降索隱曰魏王假也盡取其地二十三年秦王復召王翦彊起之使將擊荆正義曰秦號楚為荆以在襄陽名子楚諱之故言荆也取陳以南至平輿地理志汝南有平輿縣也趙海北之地盡入於秦正義曰荆王負芻也楚稱荆者以避諱也秦王游至郢陳荆將項燕立昌平君為荆王反秦於海南徐廣曰淮一作江正義曰昌平也楚海北之地盡入於秦

二十四年王翦蒙武攻荆破荆軍昌平君死項
燕遂自殺

二十五年大興兵使王賁將攻燕遼東得燕王

善正義曰燕王善之還攻代虜代王嘉坐王翦遂定荆

江南地正義曰言王翦遂平定楚及降越君正義曰降

威王已滅其餘自置會稽郡五月天下大酺酺服虔曰

酺君長今降秦酺周禮族師掌春秋祭酺為人物災害之神蘇林曰

酺留俗三月上巳水上飲食為酺酺正義曰天下歡樂大飲

楚五國故天下大酺也

二十六年齊王建與其相匡正義音升發兵守
其西界不通秦秦使將軍王賁從燕南攻齊得

至忍子

齊王建隱曰六國皆滅也十七年得韓王安十九年得

建二十五年得燕王善二十六年得齊王秦初并天下

令丞正義曰令力政反相御史曰異日韓王納地

效爾正義曰效猶至見請為藩臣已而倍約與趙魏合

從畔秦故與兵誅之虜其王賈人以為善庶幾

息兵革趙王使其相李牧來約盟故歸其質子

趙公子嘉乃自立為代王故舉兵擊滅之魏王

始約服入秦已而與韓趙謀龍裝秦秦兵吏誅遂

破之荆王獻青陽以西漢書鄒陽傳曰越水長沙還

舟青陽張晏曰青陽地名蘇

林曰青陽長沙縣是也已而畔約擊我南郡故發兵誅得其
 王遂定其荆地燕王昏亂其太子丹乃陰令荆
 軻為賊兵吏誅滅其國齊王用后勝計絕秦使
 欲為亂兵吏誅虜其王平齊地寡人以眇眇之
 身興兵誅暴亂賴宗廟之靈六王咸伏其辜天
 下大定今名號不更無以稱成功傳後世其議
 帝號丞相綰御史大夫劫漢書百官表曰御史大夫秦官應劭曰侍御史之率
故稱大夫也○齊隱曰縮姓王劫姓馮廷尉斯等漢書百官表曰廷尉秦官與眾共之兵獄同制故稱廷尉皆曰昔者五帝地方千里其外侯
 服夷服諸侯或朝或否天子不能制今陛下蔡

告元文作誥

曰陛下也所由升堂也天子必有近臣立於陛側以戒不虞謂之陛下者羣臣與天子言不敢指斥故呼在陛下者與之言因卑達尊之意興義兵誅殘賊平定天下海內
 為郡縣五義曰郡人所羣聚也法令由一統自上古呂來未
 嘗有五帝所不及臣等謹與博士議曰漢書百博士秦官古有天皇有地皇有泰皇索隱曰按天皇泰皇當人皇也而封禪書云昔者大帝使素女鼓瑟而悲蓋三皇已前稱泰皇一云泰皇太昊也泰皇最
 貴臣等昧死上尊號王為泰皇命為制令為詔蔡邕曰制書帝者制度之命也其文曰制詔詔書詔告○正義曰今音力政反制詔三代無文秦始有之天子
 自稱曰朕蔡邕曰朕我也古者上下共稱之貴賤不嫌則
屈原曰朕皇考至秦然後天子獨以為稱漢因而不改王曰主秦正義曰去音立呂反著皇

于作于是

采上古帝位號號曰皇帝他如議制曰可蔡邕曰
所奏請尚書令奏之下有天子答之曰可追尊莊襄王為太上皇漢
祖尊父曰太上制曰朕聞太古有號母謚中古有
皇亦效此也號死而以行為謚如此則子議父臣議君也甚
無謂朕弗取焉自今已來除謚法朕為始
公所作皇帝後世以計數主反二世三世至千萬世傳
之無窮始皇推終始五德之傳鄭玄曰音其傳。
傳次也謂五行之德始終相次也漢書郊祀志曰以為周
齊人鄒子之徒論著終始五德之運始皇採用以為周
也故稱從其得火德秦代周德從所不勝正義曰勝申證反秦以
所不勝於秦方今水德之始索隱曰封禪書曰秦文公
獲黑龍以為水瑞秦皇因

自謂為改年始朝賀正義曰周以建子之月為正秦以建
亥之月為正故其年始用十月而朝賀皆自十月朝衣服旄旌節旗
羽為旄熊虎為旗旄節者編毛為之以象竹節漢書云蘇武
執節在匈奴牧羊節毛盡落是也韋昭云節者山國用人節
澤國用龍節皆以金為之道路以旄節皆上黑正義曰以
門關用符節都鄙用管節皆用竹為之皆上黑水德屬北
方故數以六為紀符法冠皆六寸而輿六尺六
尺為步乘六馬張晏曰水北方黑終數六故以六寸為
符六尺為步贊曰水數六故以六為名
謙周曰步以人足為數非獨秦制然索隱曰管子司馬法
皆云六尺為步謙周以為步以人足非獨秦制又按禮記
制曰古者八尺為步今以周尺六更名河曰德水以為
尺四寸為步步之尺數亦不同水德之始剛毅戾深事皆決於法刻削母仁恩
和義然後合五德之數索隱曰水主陰陰刑殺故於

鼓

是急法久者不赦丞相綰等言諸侯初破燕齊
荆地遠不為正義于置王母以填之請立諸子唯
上幸許始皇下其議於羣臣羣臣皆以為便廷
尉李斯議曰周文武所封子弟同姓甚眾然後
屬疏遠相攻擊如仇讎諸侯更相誅伐周天子
弗能禁止今海內賴陛下神靈一統皆為郡縣
諸子功臣以公賦稅重賞賜之甚足易制天下
無異意正義易音以職反則安寧之術也置諸侯不便始
皇曰天下共苦戰鬪不休以有侯王賴宗廟天
下初定又復立國是樹兵也而求其寧息豈不

難哉廷尉議是分天下以為三十六郡三十六郡

東南陽南郡九江鄣郡會稽潁川瑒郡泗水薛郡東郡琅邪
齊郡上谷漁陽右北平遼西遼東代郡鉅鹿邯鄲上黨太原
雲中九原鴈門上郡隴西北地漢中巴郡蜀郡黔中長沙凡
三十五與內史為三十六郡正義曰風俗通云周制天子
方千里分為百縣縣有四郡故左傳云上大夫受
縣下大夫受郡秦始皇初置三十六郡以監縣也郡置守
尉監漢書百官表曰秦郡守掌治其郡有丞
尉掌佐守典武職甲卒監御史掌監郡更名民曰
黔首應劭曰黔亦黎黑也大酺收天下兵應劭曰古者
以銅為兵聚之咸

陽銷以為鍾鐻徐廣曰音巨金人十二重各千石正義

曰漢書五行志云二十六年有大人長五文足履六尺皆夷
狄服九十二人見于臨洮故銷兵器鑄而象之謝承後漢書
云銅人翁仲其名也五輔舊事云聚天下兵器鑄銅人十二
各重二十四萬斤漢世在長樂宮門魏志重車傳云推破銅
人十及銅鑄以鑄小錢關中記云重車壞銅人餘二枚徙清
門裏魏明帝欲將詣洛載到霸城重不可致後石季龍徙之

陳曰湖不黔作黔誤

人餘二枚
字有十枚

日作白

鄴符堅又徙入長安而銷之英雄記云昔大
人見臨兆而銅人鑄至董車而銅人毀也 置廷宮中一

法度衡石丈尺車同軌書同文字地東至海暨

朝鮮正義曰暨其記反朝音朝鮮音仙海謂渤海南至揚

郡王險城即古朝鮮也 西至臨洮羌中正義曰洮吐

至北嚮戶吳都賦曰開北戶以向日劉逵曰北據河為

塞並陰山至遼東地理志西河有陰山縣 北據河為

陽十二萬戶諸廟及章臺上林皆在渭南秦每

破諸侯為放其宮室作之咸陽北阪上徐廣曰在

長安西北

漢武時別名渭城義曰今咸陽縣北阪上南臨渭自雍門徐廣曰在高陵

岐州雍 縣東 以東至涇渭殿屋複道周閣相屬正義曰

屬之欲反龐詵云北至九變甘泉南至長楊五柞東至河西

至涇渭之交東西八百里雜宮別館相望屬地木衣綿繡土

被朱紫宮人不徒窮 所得諸侯美人鍾鼓以充入之

年忘歸循不能通也 正義曰輔舊事云始皇表河以為秦東門表洲以為秦西

門表中外殿觀百四十五後宮列女萬餘人氣上衝于天

二十七年始皇巡隴西正義曰隴右 北地正義曰今 出

雞頭山正義曰括地志云雞頭山在成州上祿縣東北二

名也後漢書隗囂傳云王猛塞雞頭即此也按原州高縣 過

西百里亦有笄頭山在京西北八百里黃帝雞山之所

回中焉應劭曰回中在安定高平孟康曰回中在北地 始

皇欲西巡隴西之北從咸陽向西北出寧州西四十里言始

南行至成州出雞頭山東還過岐州回中宮 作信宮渭

廟作朝

七

服虔曰隱築也

祭下有天字

陳曰始皇巡狩立石頌
從若鄒嶧泰山琅琊之
東東准碣石玄稽凡七銘太史公載其六獨鄒嶧不載何也詩曰皇帝立國維初在首嗣世祚王討伐亂逆威動四極武義直方

我臣奉詔經時不久滅六暴強廿有六上薦高號孝道顯明既獻太成乃降尊惠親巡遠方登于嶧山群臣從者咸思彼
長追念亂世分土建邦以開事理攻戰日作流血北野自太古始無方教陀及王帝莫能禁止迺今皇帝一家天下兵不後起

無文字

石作金

石下有及有二字

上天作土

手世貞曰秦始皇時李斯
所撰碑三句始下一句
是未芝茅三章法環邦
皇銘二句三句極其
老子明道若味章法

南已更命信宮為極廟象天極索隱曰為宮廟象天極故曰極廟天

道應劭曰築垣牆如街巷。正義曰築音竹。甬音勇。應劭云謂於馳道外築牆天子於中行外人不可見。自咸

陽屬之是歲賜爵一級治馳道應劭曰馳道天子道也道若今之中

道然漢書賈山傳曰秦為馳道於天下東窮燕齊南極吳楚

隱以金椎樹以青松

二十八八年始皇東行郡縣上鄒嶧山韋昭曰鄒魯縣山在其北

鄒山在兗州鄒縣南三十二里魯穆公改初作鄒其山遂從

邑變山北去黃

議封禪也正義曰晉太康地記云為壇於太山以祭示增高立石與魯諸儒生議刻石頌秦德

也為壇於梁父以祭地示增高也祭尚玄酒而俎

魚壇皆廣長十二丈壇高三尺階三等而樹石望祭山川

之事乃遂上泰山正義曰太山一曰岱宗東嶽也在兗

州博城縣西北三千里至山頭四百八

十里其趾多玉其下多石郭璞云從泰山下至山頭四百八

千里多芝草玉石長津甘泉仙人室又有地獄六口鬼立石

神之府從西上下有洞天周迴三千里鬼神考適之府立石

封祠祀服虔曰增天之高歸功於天張曼曰天高不可及

為封壇而祭於泰山下風雨暴至休於樹下因封其樹

為五大夫正義曰後音福禪梁父服虔曰禪闡廣土地也

禪梁父服虔曰禪闡廣土地也

立石其辭曰皇帝臨位作制明法臣下脩飭索隱

曰此泰山刻石銘其詞每三句為韻凡十二韻二十有六

下之眾碣石會稽三銘皆然正義飭音勅

災害滅
康定利
詳長久
略此誦
樂石以
著經記

凌權隆曰按古者帝在而云遺詔

年初并天下罔不賓服親巡遠方黎民登茲泰山周覽東極從臣思迹五義從財用反本原事業祇誦功德五義祇音脂治道運行諸產得宜皆有法式大義休明垂于後世順承勿革皇帝躬聖既平天下不懈於治夙興夜寐建設長利五義長直良反專隆教誨訓經宣達遠近畢理咸承聖志貴賤分明男女禮順慎遵職事昭隔內外徐廣曰隔一作融靡不清淨施于後嗣化及無窮遵奉遺詔永承重戒於是乃並勃海以東五義我並白浪反過黃腫地理志東萊有黃縣腫縣城五義曰腫逐瑞反字或作腫括地志云黃縣故城在萊州城以東南二十五里古萊子國也牟平縣城在黃縣南百三

一本無南字

吳下有越

一本无刻字德一作得

十里十三州志云窮成山登之罘地理志之罘山在腫牟平縣古腫縣也北百九十里窮猶登極也封禪書云八神五曰陽主祠之罘七曰日主祠成山成山斗入海又云之罘山在海中文登縣古腫縣也立石頌秦德焉而去南登琅邪五義曰今兗州東沂州密州即古琅邪也大樂之留三月乃徙黔首三萬戶琅邪臺下地理志云越王勾踐嘗治琅邪臺即耶臺○五義曰括地志云密州諸城縣東南百七十里有越王勾踐二十五年徙都琅邪立觀臺以望東海遂號令秦晉齊楚以尊輔周室軟血盟即勾踐起臺處括地志云琅邪山在密州諸城縣東南百四十里始里立層臺於山上謂之琅邪臺孤立衆山之上秦王樂復十二歲五義曰復音福之留三月立石山上頌秦德也復十二歲復三萬戶徙臺下者今作琅邪臺立石刻頌秦德明德意曰索隱曰二琅邪臺

凌稚隆曰梅凡用焉
每句以皇帝起

搏一作搏注同

韻為維二十六年皇帝作始端平法度萬物之紀
以明人事合同父子聖智仁義顯白道理東撫
東土以省卒士正義省山井反卒子忽反事已大畢乃臨于海
皇帝之功勤勞本事上農除末黔首是富普天
之下搏心揖志索隱曰搏古專字在傳云器械一量正
曰內成曰器甲冑坻几釜釜之屬外成曰同書文字日月所
械戈矛弓戟之屬壹量者同度量照舟輿所載皆終其命莫不得意應時動事是
維皇帝臣飭異俗陵水經地正義陵作去猶憂恤
黔首朝夕不懈除疑定法咸知所辟正義音避方伯
分職諸治經易正義曰易音以故反言方舉錯必當

子由先生格畫上策
之畫也此作去声協
句耳以作去声因
為繪畫之畫而解
之拘矣

渚一作堵

莫不如畫正義曰畫音二尸卦反謂政皇帝之明臨察
四方尊卑貴賤不踰次行正義音姦邪不容皆務
貞良細大盡力莫敢怠荒遠邇辟隱正義辟專
務肅莊端直敦忠事業有常皇帝之德存定四
極誅亂除害興利致福節事以時諸產繁殖黔
首安寧不用兵革正義協六親相保終無寇賊驩
欣奉教盡知法式六合之內皇帝之士西涉流
沙正義解南盡地戶東有東海北過大夏索隱曰切
無不臣者音渚澤及牛馬音姥大夏正義曰杜預云大夏人迹
太原晉陽縣按在今并州遷實沉於大夏主參即此也所至無不臣者功蓋五帝澤及牛馬莫不受德

鑄一作鐵

下下有音字

各安其宇維秦王兼有天下立名為皇帝乃撫

東土至于琅邪列侯張晏曰列侯者見序列武城侯王離列

侯通武侯王賁倫侯建索隱曰爵甲於列侯無封邑者倫類也亦列侯之類成

侯趙亥倫侯卬武侯成倫侯武信侯馮毋擇丞

相魏林索隱曰魏姓林名有本作狀者非顏之推云隋開皇初京師穿地得鐘秤權有銘云始皇時量器丞

相魏狀王維二人列名其作狀貌之字時令校寫親所按

驗手劬亦云然斯遠古之證也正義曰魏音五罪反丞

相王綰卿李斯卿王戊五大夫趙嬰五大夫楊

繆正義音居虬反從與正義曰上才用反下預言王離以下十人從始皇咸與始皇議功德於海上立石於

之帝者地不過千里正義曰過音戈諸侯各守其

三作三

封域或朝或否相侵暴亂殘伐不止猶刻金石

以自為紀古之五帝三王知教不同法度不明

假威鬼神正義曰言五帝三王假借鬼神之威以欺遠方實不稱名故不久長其身未歿諸侯倍

叛法令不行今皇帝并一海內以為郡縣天下

和平昭明宗廟體道行德尊號大成君臣相與

誦皇帝功德刻于金石以為表經既已齊人徐

市等上書言海中有三神山名曰蓬萊方丈瀛

洲正義曰漢書郊祀志云此三神山者其傳在渤海中去人不遠蓋曾有至者諸仙人及不死之藥皆在焉其物禽獸

盡白而黃金白銀為宮闕未至望之如雲及至三神山乃居

水下臨之患且至風輒引船而去終莫能至云世主莫不甘

漢書曾作嘗乃作反臨上音水

何子睿曰徐市又作徐福非有兩名市乃古散字漢時未有翻切但以声相近字音注其下後人誤市作市屢字故疑福為別名

心僊人居之請得齋戒與童男女求之於是遣

徐市發童男女數千人入海求僊人五義曰括地志云曹州在

東海中秦始皇使徐福將童男女入海求仙人止在作王此

州其數萬家至今洲上人有至會稽市易者吳人外國圖云

曹州去琅始皇還過彭城五義曰彭城徐州所理縣也

耶萬里為商伯外傳云殷末滅彭祖氏彭齋戒禱祠欲出周鼎

泗水使千人没水求之弗得乃西南渡海水之

衡山五義曰括地志云衡山一名岷嶠山在衡南郡五義

荆州也言欲向衡山即西浮江至湘山祠五義曰括地

北過南郡入武關至咸陽在岳州湘陰縣北五十七里舜二妃之神二妃塚在湘陰北

一百六十里青草山上盛弘之荆州記云青草湖南有青草

山湖因山名焉列女傳云舜陟方死於蒼梧二妃死於丘湘

之間因葬焉按湘山者乃青草山山近湘水廟在山南故言

湘山逢大風幾不得渡上問博士曰湘君何神博

士對曰聞之堯女舜之妻而葬此亦以相君為堯

女按楚詞九歌有湘君湘夫人夫人是堯女則湘於是始

皇大怒使刑徒二千人皆伐湘山樹赭其山五

者上自南郡由武關歸應劭曰武關秦南關通南陽

里弘農界。五義曰括地志云故武關在商州商洛

縣東九十里春秋時少習也杜預云習商縣武關也

二十九年始皇東游至陽武博狼沙中地理志河

有博狼沙。五義曰狼音浪。為盜所驚求弗得乃令天下大索十

日登之罘刻石其辭曰索隱曰三維二十九年時

在中春五義曰中音仲古者陽和方起皇帝東游巡

凌稚隆曰按二銘亦每句以皇帝起

一作王此三字括地志之註也

登之眾臨照于海從臣嘉觀正義從才用反觀音卑原念休
 烈追誦本始大聖作治建定法度顯著綱紀外正義必亦反
 教諸侯光施文惠明以義理六國回辟亦反貪
 戾無厭廉反虐殺不已皇帝哀眾遂發討師奮
 揚武德義誅信行威燁旁達徐廣曰燁充善反莫不賓服
 亨滅彊暴振救黔首周定四極普施明法經緯
 天下永為儀則大矣哉宇縣之中宇字宙縣亦字承順
 聖意索隱曰協韻音意羣臣誦功請刻于石表垂于常式
 其東觀曰維二十九年皇帝春游覽省遠方逮
 于海隅遂登之眾昭臨朝陽觀望廣麗從臣咸

上疆当作疆

臺作來

念原道至明聖法初興清理疆內外誅暴彊武
 威旁暢振動四極禽滅六王闡并天下留害絕
 息永偃戎兵皇帝明德經理宇內視聽不怠索隱曰
曰怠協旗疑讀怠音銅綦反故國譯范蠡作立大義昭
曰得時不怠時不再來亦以怠與臺為韻設備器咸有章旗職臣遵分各知所行事無嫌
 疑黔首改化遠邇同度臨古絕尤常職既定後
 嗣循業長承聖治羣臣嘉德祗誦聖烈請刻之
 眾旋遂之琅邪道上黨入索隱曰道猶從也
 三十年無事
 三十一年徐廣曰使黔首自實田也十二月更名臘曰嘉平原

臺作

真人茅盈內紀曰始皇二十一年九月庚子盈曾祖父蒙乃
 於華山之中乘雲駕龍白日升天先是其邑謠歌曰神仙得
 者茅初成駕龍上升入秦清時下玄洲戲赤城繼世而往在
 我盈帝若學之騰嘉平始皇聞謠歌而問其故父老具對此
 仙人之謠歌勸帝求長生之術於是始皇欣然乃有尋仙之
 志因改臘曰嘉平。索隱曰廣雅曰夏曰清祀殷曰嘉平周
 曰大蜡亦曰臘秦更曰嘉平蓋應歌謠之詞而改從說號也
 道書茅濛字初成今此云茅濛初成者為神仙之道其意失
 也蓋由濛去所引不明或後人增賜黔首里六石米二
 益濛字遂令七言之詞有衍爾

羊始皇為微行咸陽張晏曰若微賤之與武士四

人俱夜出逢盜蘭池地理志渭城縣有蘭池宮。正

蘭池在咸陽縣界秦記云始皇都長安引渭水為池築為蓬瀛刻石為鯨長二百丈逢盜之處也見客武

士擊殺盜關中大索二十日米石千六百

三十二年始皇之碣石使燕人盧生求羨門

曰古高誓正義曰亦刻碣石門徐廣曰壞城郭決通

隄防其辭曰正義曰此遂興師旅誅戮無道為

逆滅息武殄暴逆文復無罪徐廣曰復一作憂。正

道令無罪失故復除之庶心咸服惠論功勞賞及牛

馬恩肥土域皇帝奮威德并諸侯初一泰平墮

壞城郭正義曰墮音許規反壞音怪墮毀也壞圻也言始

反決通川防夷去險阻地勢既定黎庶無繇正義

遙音天下咸撫男樂其疇女修其業事各有序惠

被諸產父並來田徐廣曰父莫不安所羣臣誦烈

請刻此石垂著儀矩因使韓終侯公石生求仙

賞作嘗

人不死之藥始皇巡北邊從上郡入燕人盧生

使正義音所吏反入海還以鬼神事因奏錄圖書曰云秦

者胡也鄭玄曰胡胡亥秦二世名也秦見圖書不知此為人名反備北胡始皇乃使將

軍蒙恬發兵三十萬人北擊胡略取河南地正義曰今靈夏勝等州秦略取之

三十三年發諸賞逋云人贅壻贊曰贅謂居窮有子使就其婦家為

贅賈人略取陸梁地正義曰嶺南之人多處山陸其性強梁故曰陸梁為桂

林韋昭曰今鬱林是也象郡韋昭曰今日南南海

正義曰即廣以適遣戍徐廣曰五十萬人守五嶺廣州正義曰今南海縣

五嶺者大庾始安臨賀揭揚桂陽四地志云一曰臺嶺亦名

塞上今名大庾二曰騎田三曰都龍四曰萌諸五曰越嶺

西北斥逐匈奴自榆中徐廣曰在金城並河以東服虔曰並音傍傍依

也屬之陰山徐廣曰在五原北以為二十

四縣城河上為塞又使蒙恬渡河取高闕正義曰山名在五原北兩山相對

若闕其高故言高闕陶山北假中晉灼曰王莽傳云五原北假膏壤直

穀北假地名也○索隱曰高闕山名北假地名近五原○正

義曰酈元注水經云黃河逕河目縣故城西縣在北假中北

假地名按河目縣屬勝州名河築亭障臣逐戎人徙

謫實之初縣索隱曰徙有罪而謫之以實初縣即上自榆中屬陰山以為三十四縣是也故漢七

科謫亦禁不得祠明星出西方徐廣曰皇甫謐云彗星見

三十四年適治獄吏不直者築長城及南越地正義曰謂成五嶺是南方越地始卑置酒咸陽宮博士七十人前

為壽音夜僕射音夜

漢書百官表曰僕射秦官古者重武官有主射以督課之

周青臣

漢書百官表曰僕射秦官古者重武官有主射以督課之

明聖平定海內放逐蠻夷日月所照莫不賓服

以諸侯為郡縣人人自安樂無戰爭之患傳之

萬世自上古不及陛下威德始皇悅博士齊人

淳于越進曰臣聞殷周之王千餘歲封子弟功

臣自為枝輔今陛下有海內而子弟為匹夫卒

有田常六卿之臣無輔拂正義浦筆反何以相救哉

事不師古而能長久者非所聞也今青臣又面

諛以重陛下之過非忠臣始皇下其議丞相李

斯曰五帝不相復三代不相襲各以治非其相反時變異也今陛下創大業建萬世之功固非愚儒所知且越言乃三代之事何足法也異時諸侯並爭厚招游學今天下已定法令出一百姓當家則力農工士則學習法令辟禁正義令力性反辟音避今諸生不師今而學古以非當世惑亂黔首丞相臣斯昧死言古者天下散亂莫之能一是以諸侯並作語皆道古以害今飾虛言以亂實人善其所私學徐廣曰私一作知以非上之所建立今皇帝并有天下別黑白而定一尊私學而相與非

李期傳作辨白黑而非定等而私學乃相與非法教之制

李期信非主以名
異趣以為高

以言語代叙事

凌稚隆曰梅且起行
治城為城且

法教人聞令下則各以其學議之入則心非出
則巷議夸主正義夸口瓜反以為名異取以為高率羣
下以造謗如此弗禁則主勢降乎上黨與成乎
下禁之便臣請史官非秦記皆燒之非博士官
所職天下敢有藏詩書百家語者悉詣守尉雜
燒之有敢偶語詩書弃市應劭曰禁民聚語畏其以謗已。正義曰偶對也。
古非今者族吏見知不舉者與同罪令下三十
日不燒黥為城旦如淳曰律說論決為髡鉗輸邊築長城書曰伺寇虜夜暮築長城城旦四
歲所不去者醫藥卜筮種樹之書若欲有學法
令徐廣曰一無法令二字以吏為師制曰可

樂作藥

下道從也

三十五年除道道九原地理志五原郡有九原縣抵雲陽徐廣曰表
云道九原通甘泉斬山堙谷直通之於是始皇以為咸陽
人多先王之宮廷小吾聞周文王都豐武王都
鎬豐鎬之間帝王之都也乃營作朝宮渭南
林苑中先作前殿阿房正義曰房白郎反搆地志云秦阿房宮亦曰阿城在雍州長安縣西北一十四里按宮在上林苑中雍州郭城西南面即阿房宮城東面也顏師古云阿近也以其去咸陽近且號
阿東西五百步南北五十丈上可以坐萬人下
可以建五丈旗索隱曰此以其形名宮也言其宮四阿後為宮名。正義曰二輔舊事云阿房宮東西三里南北五百步庭中可受萬人又鑄銅人十二於宮前阿房宮以慈石為門阿房宮之北闕門也周馳為閣道自殿下直抵南山表南

山之顛以為闕為復道自阿房渡渭屬之咸陽
以象天極閣道絕漢抵營室也索隱曰謂為複道
渡渭屬咸陽象天
文閣道絕漢抵營室也天官書曰天極
紫宮後十七星絕漢抵營室曰閣道阿房宮未成
欲更擇令名之正義曰餘刑見於市朝宮刑一百日隱
於陰室養之乃可故曰隱宮下蠶室是作宮阿房故天下謂之阿房
宮隱宮
七十餘萬人乃分作阿房宮或作麗山發北山
石棹乃寫蜀荆地材皆至關中計宮二百關外
四百餘於是立石東海上胸界中以為秦東門
因徙三萬家麗邑正義麗
音離五萬家雲陽皆復不
事十歲盧生說始皇曰臣等求芝奇藥仙者常

淡

弗遇類物有害之者方中人主時為微行以辟
惡鬼惡鬼辟真人至人主所居而人臣知之則
害於神真人者入水不濡入火不熱正義而
說反陵雲
氣與天地久長今上治天下未能恬悅願上所
居宮母令人知然後不死之藥始可得也於是
始皇曰吾慕真人自謂真人不稱朕乃令咸陽
之旁二百里內宮觀二百七十復道甬道相連
帷帳鍾鼓美人充之各案罽者不移徙行所幸有
言其處者罪死始皇帝幸梁山宮徐廣曰在好時
正義曰好時
共云俗名望宮山在雍州好時縣西十二里北去梁山
九里秦始皇起從山上見丞相車騎眾弗善即此山也從山

諸本無註
中八字

上見丞相車騎衆弗善也中人或告丞相丞相
後損車騎始里怒曰此中人泄吾語案問莫服
當是時詔捕諸時在旁者皆殺之自是後莫知
行之所在聽事羣臣受決事悉於咸陽宮侯生
論苑曰韓盧生相與謀曰始皇爲人天性剛戾自
客侯生也用起諸侯并天下意得欲從以爲自古莫及已
專任獄吏獄吏得親幸博士雖七十人特備負
弗用丞相諸大臣皆受成事倚辦於上上樂以
刑殺爲威五刑曰天下畏罪持祿莫敢盡忠上不
聞過而日驕下懾伏謾欺以取容秦法不得兼

方徐廣曰一云并力。正義曰言秦施法不得兼方者不驗
令民之有方技不得兼兩齊試不驗輒賜死言法酷不驗
輒死然候星氣者至三百人皆良士畏忌諱諛
不敢端言其過天下之事無小大皆決於上上
至以衡石量書石百二十斤。正義曰衡秤衡也言表
成奏請秤取一石日夜有程期不滿不
息日夜有呈不中呈正義中不得休息貪於權勢
至如此未可爲求仙藥於是乃亡去始里聞云
乃大怒曰吾前收天下書不中用者盡去之悉
召文學方術士甚衆欲以興太平方士欲練以
求奇藥徐廣曰一云今聞韓衆正義去不報徐市
等費以巨萬計終不得藥徒效利相告日聞虧

云從下表有民

作問一作問盧生等吾尊賜之甚厚今乃誹謗我以重
吾不德也諸生在咸陽者吾使人廉問或為詆
言以亂黔首於是使御史悉案問諸生諸生傳
相告引乃自除犯禁者四百六十餘人皆阮之
咸陽使天下知之以懲後益發謫徙邊徐廣曰徒
於北河榆中耐徙始始皇長子扶蘇諫曰天下初定
三處拜爵一級遠方黔首未集諸生皆誦法孔子今上皆重法
繩之臣恐天下不安唯上察之始皇怒使扶蘇
北監蒙恬於上郡正義曰括地志云上郡故城在綏州
三十六年熒惑守心有墜星下東郡至地為石

徐廣曰秦黔首或刻其石曰始皇帝死而地分始

皇聞之遣御史逐問莫服蓋取石旁居人誅之

因燔銷其石始皇不樂使博士為仙真人詩及

行所游天下傳令正義曰傳逐憲樂人誦弦之秋

使者從關東夜過華陰平舒道正義曰括地志云

千作半

道即其有人持璧遮使者曰為吾遺滹池君服虔

神也張安曰武王居鎬鎬池君則武王也武王伐商故神云

始皇荒淫若紂矣今亦可伐也孟康曰長安西南有滹池

索隱曰按服虔云水神是也江神以璧遺滹池之神告始皇

之將終也且禁水德王故其君將云水神先自相告也正義

曰遺便季反滹湖老反括地志云滹水源出雍州長安縣

西北滹池酈无注水經云滹水承滹池北流入渭今按滹池

西北滹池酈无注水經云滹水承滹池北流入渭今按滹池

今一作令

余有丁曰梅游從是巡遊為次年出遊張本

水流入來通渠蓋鄴元誤矣張晏云武王居瀟瀟池君則因
 武王也伐商故神云始皇荒淫若紂矣今武王可伐矣
 言曰今年祖龍死蘇林曰祖始也龍人君象謂始皇也
 先也應劭曰祖人之先龍君之象使者問其故因忽不見置其璧去
 使者奉璧具以聞始皇默然良久曰山鬼固不
 過知一歲事也退言曰祖龍者人之先也使御
 府視壁乃二十八年行渡江所沈璧也於是始
 皇卜之卦得游徙吉遷北河榆中三萬家北河勝州也榆中即今勝州榆林縣也言徙三萬家以應卜卦游徙吉也拜爵一級
 三十七年十月癸丑始皇出游左丞相斯從右
 丞相去疾守少子胡亥愛慕請從上許之十一

陳曰海當作江即朱石磯也秦時地屬丹陽

月行至雲夢望祀虞舜於九疑山正義曰括地志云九疑山在永州唐興縣東南一百里自曹家墓記云舜冢在零陵郡浮江營浦縣九疑山言始皇至雲夢望祀虞舜於九疑山也
 下觀籍柯渡海渚正義曰括地志云舒州周安縣東按舒州在江中疑海字誤即此州也
 過丹陽正義曰括地志云丹陽郡故在閩州江寧縣東南五里秦兼并天下以為鄣郡也至錢
 唐正義曰錢唐今杭州縣臨浙江晉灼曰江水至會稽山陰為浙江音折水波惡乃
 西百二十里從狹中渡徐廣曰蓋在餘杭也顧夷曰餘杭者秦始皇至會稽經此立為望于南
 縣正義曰會稽山上音上掌反越州望于南
 海而立石刻頌秦德索隱曰三句為韻其字四寸畫如小指圓鐫今文字整頓是小篆字皇帝休
 烈平一字內德惠脩長索隱曰脩亦長也重文耳王劭按張徽所錄會稽南山秦

三句為韻其碑見在會稽山上其文及書皆李斯其字四寸畫如小指圓鐫今文字整頓是小篆字

守作首
始作治

注謀作疑作謀誤
一本作計

始皇碑文三十有七年親巡天下周覽遠方遂登
會稽宣習俗黔首齊莊羣臣誦功本原事迹
追守高明索隱曰今檢會稽刻石文首字作道雅符人情也秦聖臨國始定
刑名顯陳舊章碑文作畫章也初平法式審別職
任以立恒常六王專倍負力而驕數動甲兵
日碑文作率衆邦強暴虐恣行彭反負力而驕數動甲兵
陰通間使正義曰間紀覓反又如字使所吏反以事合從音閣從
行爲辟放反辟足亦反內飾詐謀索隱曰刻石外
來侵邊遂起禍殃義威誅之殄熄徐廣曰奇恩反
暴悖正義暴自報反悖音背亂賊滅亡聖德廣密六合之中

音息

余有子白梅省字或作普
字轉而作省左傳所謂
一省掩大從謂過失也

康海曰子不得母言子
不得以為世也非失母
謂也

謹按三又音恐似非

被澤無疆皇帝并宇兼聽萬事遠近畢清運理
羣物考驗事實各載其名貴賤並通善否陳前
靡有隱情飾省宣義徐廣曰省一作非。正義曰飾
過有子而嫁正義曰謂夫死有子棄之而嫁倍死不貞防隔內外禁
止淫泆男女勢誠夫為寄索隱曰殺牡猪也言夫淫他室若寄殺之猪也
殺之無罪男秉義程妻為逃嫁正義曰謂棄夫而逃嫁於人
子不得母正義曰言妻棄夫逃嫁子乃失母咸化廉清大治濯俗天
下承風蒙被休經皆遵度軌和安敦勉莫不順
令正義力呈反黔首脩潔人樂同則正義樂音岳嘉保太平
後敬奉法常治無極輿舟不傾從臣誦烈正義曰從

渭京兆華作
謂濟渡

音才用反烈美也。所隨巡請刻此石光垂休銘還過
從諸臣咸誦美請刻此石。請刻此石光垂休銘還過
吳從江乘渡地理志丹陽有江乘縣。正義曰乘音時升
舊縣也渡並海上北至琅邪方士徐市等入海求
神藥數歲不得費多恐譴乃詐曰蓬萊藥可得
然常為大鮫魚所苦正義鮫音交故不得至願請
善射與俱見則以連弩射之始皇夢與海神戰
如人狀問占夢博士曰水神不可見以大魚蛟
龍為候今上禱祠備謹而有此惡神當除去而
善神可致乃令入海者齎捕巨魚具而自以連
弩候大魚出射之自琅邪北至榮成山正義曰即

陳曰遂並海句

州弗見至之眾見巨魚射殺一魚遂並海西至
平原津而病徐廣曰渡河而西。正義曰今德州平原縣
張公渡恐此平原郡古津也漢書公孫弘平津始皇惡言
死羣臣莫敢言死事上病益甚乃為璽書賜公
子扶蘇曰與喪會咸陽而葬書已封在中車府
令趙高伏儼曰主行符璽事所未授使者七月丙
寅始皇崩於沙丘平臺徐廣曰年五十沙丘去長安
鹿武靈王之死處。正義曰掃地志云沙丘臺在邢州平鄉
縣東北二十里又云平鄉縣東北四十里按始皇崩在沙丘
之宮平臺之中邢州去丞相斯為上崩在外正義為恐
諸公子及天下有變乃秘之不發喪棺載輜涼

車中正義指音館又古患反故幸宦者參乘所至上食百官
奏事如故宦者輒從輶涼車中可其奏事獨子
胡亥趙高及所幸宦者五六人知上死趙高故
嘗教胡亥書及獄律令法事胡亥私幸之高乃
與公子胡亥丞相斯陰謀破去始皇所封書正
去丘賜公子扶蘇者而更詐為丞相斯受始皇
遺詔沙丘立子胡亥為太子更為書賜公子扶
蘇蒙恬數以罪正義數音色具反其賜死語具在李斯傳
中行遂從井陘徐廣曰在常山抵九原正義曰抵十禮反抵至也從沙丘至勝州二千
里會暑上輶車臭乃詔從官令車載一石鮑魚

正義鮑白如反以亂其臭行從直道至咸陽發喪太子胡
亥襲位為二世皇帝九月葬始皇麗山始皇初
即位穿治麗山及并天下天下徒送詣七十餘
萬人穿三泉下銅徐廣曰一作錮錮鑄塞。正義曰而
致榭宮觀百官奇器珍怪徙臧滿之正義曰言家內作宮觀及
百官位次奇器珍怪徙滿冢中臧才浪反今匠作機弩矢有所穿近者輒
射之以水銀為百川江河大海機相灌輸灌音
館輸音成上具天文下具地理以人魚膏為燭徐廣曰人
魚似鮎四脚。正義曰廣志云鯢魚聲如小兒啼有四足形
如鱧可以治牛出伊水異物志云人魚似人形長尺餘不堪
食皮利於鮫魚鋸材木入項上有小穿氣從中出秦始皇冢
中以人魚膏為燭即此魚也出東海中今台州有之按今帝

王用漆燈冢中則火不滅度不滅者久之正義度音田洛反二世曰先帝

後宮非有子者出焉不宜皆令從死死其甚衆

葬既已下或言工匠為機藏皆知之藏重即泄

大事畢已藏閉中羨正義曰音延下同謂冢中神道下外羨門盡

閉工匠藏者無復出者樹草木以象山皇覽曰墳高五十餘丈周迴五里餘

正義曰關中記云始皇陵在驪山泉本北流障使東西流有土無石取大石於渭山諸山插地志云秦

始皇陵在雍州新豐縣西南十里

二世皇帝元年年二十一徐廣曰秦云十月趙高為

郎中令漢書百官表曰秦官掌宮殿門戶任用事二世下詔增始皇

寢廟犧牲及山川百祀之禮令羣臣議尊始皇

廟羣臣皆頓首言曰古者天子七廟諸侯五大

夫三雖萬世世不軼毀又五義軼徒結反今始皇為極廟四

海之內皆獻貢職增犧牲禮咸備母以加先王

廟或在西雍正義曰於用反西雍在咸陽西今岐州雍縣故城是也又一云西雍雍西縣也或

在咸陽天子儀當獨奉酌祠始皇廟自襄公已

下軼毀所置凡七廟羣臣以禮進祠以尊始皇

廟為帝者祖廟皇帝復自稱朕二世與趙高謀

曰朕年少初即位黔首未集附先帝巡行郡縣

以示彊威服海內今晏然不巡行即見弱母以

臣畜天下春二世東行郡縣李斯從到碣石並

軼徹蓋通

次仁主

子迪先生格言前
銘皆稱皇帝不
言始則無以別後
嗣皇帝也久遠謂
後世也

東曰洞本遂
作等

海南至會稽而盡刻始皇所立刻石石旁著正義曰
大臣從者名以益早先帝成功盛德焉皇帝曰
金石刻盡始皇帝所為也今襲號而金石刻辭
不稱正義曰始皇帝其於久遠也正義曰二世言始
自五帝三王未及既已襲位而見金石
盡刻其頌不稱始皇成功盛德甚遠矣如後嗣為之者
不稱成功盛德丞相臣斯臣去疾徐廣曰姓馮
御史大夫臣德昧死言臣請具刻詔書刻石因
明白矣臣昧死請制曰可遂至遼東而還於是
二世乃遵用趙高申法令乃陰與趙高謀曰大
臣不服官吏尚彊及諸公子必與我爭為之柰

凌稚隆曰按少字當
作去声如三少之少謂
次等近侍之官

何高曰臣固願言而未敢也先帝之大臣皆天
下累世名貴人也積功勞世以相傳久矣今高
素小賤陛下幸稱舉令在上位管中事大臣鞅
鞅特以貌從臣其心實不服今上出不因此時
案郡縣守尉有罪者誅之上以振威天下下以
除去上生平所不可者今時不師文而決於武
力願陛下遂從時毋疑即羣臣不及謀明主收
舉餘民賤者貴之貧者富之遠者近之則上下
集而國安矣二世曰善乃行誅大臣及諸公子
以罪過連逮少近官二索隱曰逮訓及也謂連及
郎俱被捕故云連逮少小也

近侍之臣三郎謂中郎外郎散郎。正義曰：漢書百官表云有議郎中郎散郎又有左右三將謂郎中車郎戶郎無
 得立者而六公子戮死於杜公子將閭昆弟三人囚於內宮議其罪獨後王世使使令將閭曰公子不臣罪當死吏致法焉將閭曰闕廷之禮吾未嘗敢不從負贊也廊廟之位吾未嘗敢失節也受命應對吾未嘗敢失辭也何謂不臣願聞罪而死使者曰臣不得與謀奉書從事將閭乃仰天大呼天者三曰天乎吾無罪昆弟三人皆流涕拔劍自殺宗室振恐君幸臣諫者以為誹謗大吏持祿取容黔首振恐四月王世還至咸

陽曰先帝為咸陽朝廷小故營阿房宮為室堂未就會上崩罷其作者復土正義曰：謂出土為陵既成還復其土故言復土
 酈山酈山事大畢今釋阿房宮弗就則是章先帝舉事過也復作阿房宮外撫四夷如始皇計盡徵其材土正義曰：謂材官蹶張之士五萬人為屯衛咸陽令教射狗馬禽獸當食者多正義曰：謂材士及狗馬度不足下正義曰：謂材士及狗馬調正義曰：謂材士及狗馬田正義曰：謂材士及狗馬吊反謂下令調斂也郡縣轉輸菽粟芻藁皆
 益刻深七月戊卒陳勝正義曰：音升等反故荆地為張楚李奇曰：張大楚國也勝自立為楚王居陳遣諸將徇地山

漢書百官表曰謁者使東方來以反者聞

東郡縣少年苦秦吏皆殺其守尉令丞反以應

陳涉相立為侯王合從西鄉名為伐秦不可勝

數也謁者漢書百官表曰謁者使東方來以反者聞

王世二十世怒下吏後使者至上問對曰君羣盜郡

守尉方逐捕今盡得不足憂上悅武臣自立為

趙王魏咎為魏王田儼服虔曰音負擔為齊王沛公起沛

項梁舉兵會稽郡

二年冬陳涉所遣周章等將西至戲應劭曰戲弘

康曰水名今戲亭是也蘇林曰邑名在新豐東南三十里

正義曰戲音許宜反括地志云戲水源出雍州新豐縣西南

驪山水經注云戲水出驪山馮公谷東北流

今新豐縣東北十一里戲水當官道即至處兵數十萬

世大敬馬齒羣臣謀曰奈何少尉章邯曰漢書百官

秦官應劭曰掌山澤陂池之稅名曰禁錢以給私養自別為藏少者小也故稱少尉

衆彊今發近縣不及矣酈山徒多請赦之授兵

以擊之二世乃大赦天下使章邯將擊破周章

軍而走遂殺章曹陽晉灼曰亭名在弘農東十三里魏

武帝改曰好陽正義曰括地志馬欣董翳佐章邯擊盜殺陳勝城父正義曰父音

城父亭州破項梁定陶正義曰定陶縣滅魏咎臨濟正義

州今齊楚地盜名將已死章邯乃北渡河擊趙王

歇等於鉅鹿正義曰鉅鹿地志云邢州平鄉縣趙高說二

城本鉅鹿離園趙王歇即此城

世曰先帝臨制天下久故羣臣不敢為非進邪
說今陛下富於春秋初即位柰何與公卿廷決
事事即有誤示羣臣短也天子稱朕固不聞聲
索隱曰言天子常處禁中臣下屬望望纒有兆朕且不見其形也於是王世常居禁中
曰禁中者門戶有禁非侍御者不得入故曰禁中與高決諸事其後公卿希
得朝見盜賊益多而關中卒發東擊盜者毋已
右丞相去疾左丞相斯將軍馮劫進諫曰關東
羣盜並起秦發兵誅擊所殺亡甚衆然猶不止
盜多皆以戍漕轉作事苦賦稅大也請且止阿
房宮作者減省色反四邊戍轉王世曰吾聞之

陳曰雨古市字從
于從山湖本作市
誤
子迪先生按前注
非

韓子曰堯舜采椽不刮索隱曰采木名刮音枯茅茨不翦飯
土墾徐廣曰中靜曰飯器謂之筥。毀土形如溥曰土形飯器以瓦為之。雖監門之養正義以不斂於此索隱曰謂
監門之卒養即卒也古曰斯養亦斂音學謂蓋也又古學反
正義曰又苦角反爾雅云斂盡也言堯舜采椽不刮茅茨不
翦飯土墾毀土形雖監守門之人供養亦不盡此之疎陋也禹斂金龍門通大夏正義
曰括地志云大夏今并州晉陽及分絳等州是昔高平氏子
實流居之西近河言禹斂金龍門河水道得大通并州之地不
壅溢決河亭水正義曰亭平也又放之海身自持築
於此矣正義曰禹初洽反築牆柁脰母毛臣虜之勞不烈
持斂柁使膝脰無毛賤臣奴虜凡所為貴有天下者
之勤勞不酷烈於此辛苦矣

董份曰季期叙三
世此語乃向故期阿意
答之此叙語同而以
為詰責之辭何也

反作也

得肆意極欲主重正義直明法下不敢為非以制
御海內矣夫虞夏之主實為天子親處窮苦之
實以徇百姓尚何於法朕尊萬乘母其實吾欲
造千乘之駕萬乘之屬充吾號名且先帝起諸
侯兼天下天下已定外攘四夷以安邊境音竟
作宮室以章得意而君觀先帝功業有緒今朕
即位二年之間羣盜並起君不能禁又欲罷先
帝之所為是上母以報先帝次不為朕盡忠力
正義為何以在位下去疾劫吏案責他罪去疾
于偽反劫曰將相不辱自殺斯卒囚正義曰卒子律反囚在由反謂禁錮反也就

五刑

三年章邯等將其卒圍鉅鹿楚上將軍項羽將
楚卒往救鉅鹿冬趙高為丞相竟案李斯殺之
夏章邯等戰數却二世使人讓邯邯恐使長史
欣請事趙高弗見又弗信欣恐亡去高使人捕
追不及欣見邯曰趙高用事於中將軍有功亦
誅無功亦誅項羽急擊秦軍虜王離邯等遂以
兵降諸侯八月己亥徐廣曰趙高欲為亂恐羣臣
不聽乃先設驗持鹿獻於二世曰馬也二世笑
曰丞相誤邪謂鹿為馬問左右左右或默或言

数一作二

崇

馬以阿順趙高或言鹿者高因陰中諸言鹿者以法後羣臣皆畏高高前數言關東盜毋能為也及項羽虜秦將王離等鉅鹿下而前章邯等軍數却上書請益助燕趙齊楚韓魏皆立為王自關以東大氏正義曰丁礼反氏猶畧盡畔秦吏應諸侯諸侯咸率其眾西鄉沛公將數萬人已屠武關使人私於高高恐二世怒誅及其身乃謝病不朝見二世夢白虎齧其左驂馬殺之心不樂怪問占夢卜曰涇水為宗正義雖遂反二世乃齋於望夷宮

張晏曰望夷宮在長陵西北長平觀道東故亭處是也臨涇水作之以望北夷。正義曰括地志云秦望夷宮在雍州咸

数諸本一作二

向作內

陽縣東南八里張晏云臨涇水作之望北夷欲祠涇沈四白馬使使責讓高以盜賊事高懼乃陰與其婿咸陽令閻樂其弟趙成謀曰上不聽諫今事急欲歸禍於吾宗吾欲易置上更立公子嬰子嬰女仁儉百姓皆載其言使郎中令為內應徐廣曰一云郎中令趙成詐為有大賊令樂召吏發卒追劫樂母置高舍遣樂將吏卒千餘人至望夷宮殿門縛衛令僕射曰賊入此河不止衛令曰周廬設卒甚謹兩京賦曰徹道外周千廬內傳薛綜安得賊敢入宮樂遂斬衛令直將吏入行射郎官者大驚或走或格格

曰士傳宮外向為廬舍晝則巡行非常夜則警備不虞

衛令直將吏入行射郎官者大驚或走或格格

者輒死死者數十人郎中令與樂俱入射上幄
坐幃二世怒召左右左右皆惶擾不鬪旁有官
者一人侍不敢去二世入內謂曰公何不蚤告
我乃至於此官者曰臣不敢言故得全使臣蚤
言皆已誅安得至今閻樂前即二世數曰足下
驕恣蔡邕曰君臣士庶相與言曰毀誅殺無道天下
下閻下足下侍者執事皆謙類共畔足下足下其自為計二世曰丞相可得見
否樂曰不可二世曰吾願得一郡為王弗許又
曰願為萬戶侯弗許曰願與妻子為黔首比諸
公子閻樂曰臣受命於丞相為天下誅足下足

下雖多言臣不敢報麾其兵進二世自殺閻樂
歸報趙高趙高乃悉召諸大臣公子告以誅二
世之狀曰秦故王國始皇君天下故稱帝今六
國復自立秦地益小乃以空名為帝不可宜為
王如故便立二世之兄子公子嬰為秦王以黔
首葬二世杜南宜春苑中令子嬰齋當廟見受
玉璽齋五日子嬰與其子二人謀曰丞相高殺
二世望夷宮恐羣臣誅之乃詳以義立我我聞
趙高乃與楚約滅秦宗室而王關中今使我齋
見廟此欲因廟中殺我我稱病不行丞相必自

來來則殺之高使人請子嬰數輩子嬰不行高
 果自往曰宗廟重事王柰何不行子嬰遂刺殺
 高於齋宮三族高家以徇咸陽子嬰為秦王四
 十六日楚將沛公破秦軍入武關遂至霸朝上應
 曰霸朝水地名在長安東二十里霸朝水使人約降子嬰子嬰即
 係頸以組白馬素車應劭曰組者天子徽也係頸者言欲自殺也素車白馬喪人之服也
 奉天子璽符降軺道旁徐廣曰在霸陵駟案蘇林曰亭名在長安東十二里沛
 公遂入咸陽封宮室府庫還軍霸朝上居月餘諸
 侯兵至項藉為從長索隱曰謂合關東為從長也殺子嬰及秦
 諸公子宗族遂屠咸陽燒其宮室虜其子女收

其珍寶貨財諸侯共分之滅秦之後各分其地
 為三名曰雍王塞王翟王號曰三秦項羽為西
 楚霸王主命分天下王諸侯秦竟滅矣後五年
 天下定於漢

太史公曰秦之先伯翳嘗有勳於唐虞之際受
 土賜姓及殷夏之間微散至周之衰秦興邑于
 西垂自繆公以來稍蠶食諸侯竟成始皇始皇
 自以為功過五帝地廣三王而羞與之侔善哉
 乎賈生推言之也曰秦并兼諸侯山東三十餘
 郡繕津關據險塞修甲兵而守之然陳涉以戍

擾當作擾

橫行注非

卒散亂之衆數百奮臂大呼不用弓戟之兵鉏

擾白挺徐廣曰擾田器音憂。索隱曰徐以擾為田器非也。孟康以擾為鋤柄蓋得其近也。望屋

而食索隱曰言其兵蠶食天下不裹糧而行。橫行天下索隱曰謂輕前敵不部伍旅進也。

秦人阻險不守關梁不闔長戟不刺

彊弩不射楚師深入戰於鴻門曾無藩籬之艱

於是山東大擾諸侯並起鵲冠子曰德俊德千人者謂之豪德百人者謂之英。索隱曰謂武臣田詹魏豹之屬。秦使章邯將而東

征章邯因以二軍之衆要市於外索隱曰此評失也。章邯之降由趙高用事不信任軍將一則恐誅二則楚兵既盛。以謀其

上君羣臣之不信可見於此矣子嬰女立遂不寤藉

王離見虜遂降耳非三軍要市於外以求封明矣。

使子嬰有庸主之材僅得中佐山東雖亂秦之地可全而有宗廟之祀未當絕也秦地被山帶河以為固四塞之國也自繆公以來至於秦王二十餘君常為諸侯雄豈世世賢哉其勢居然也且天下嘗同心并力而攻秦矣當此之世賢智並列良將行其師賢相通其謀然困於阻險而不能進秦乃延入戰而為之開關百萬之徒逃北而遂壞豈勇力智慧不足哉形不利勢不便也秦小邑并大城徐廣曰大一作小。守險塞而軍高壘毋戰閉關據阨荷戟而守之諸侯起於匹夫以

利合非有素王之行也其交未親其下未附名
為亡秦其實利之也彼見秦阻之難犯也必退
師安土息民以待其敝索隱曰賈誼書安作案收弱扶罷以
令大國之君不患不得意於海內貴為天子富
有天下而身為禽者其救敗非也秦王足已不
問遂過而不變二世受之因而不改暴虐以重
禍子嬰孤立無親危弱無輔三主惑而終身不
悟亡不亦宜乎當此時也世非無深慮知化之
士也然所以不敢盡忠拂過者秦俗多忌諱之
禁忠言未卒於口而身為戮沒矣故使天下之

士傾耳而聽重足而立掛口而不言是以三主
失道忠臣不敢諫智士不敢謀天下已亂奸不
上聞豈不哀哉先王知雍蔽之傷國也故置公
卿大夫士以飾法設刑而天下治其疆也禁暴
誅亂而天下服其弱也五伯征而諸侯從其削
也內守外附而社稷存故秦之盛也繁法嚴刑
而天下振及其衰也百姓怨望而海內畔矣故
周五索隱曰賈誼書五作王序得其道而千餘歲不絕秦本
末並失故不長久由此觀之安危之統相去遠
矣野諺曰前事之不忘後事之師也是以君子

為國觀之上古驗之當世參以人事察盛衰之
 理審權勢之宜去就有序變化有時故曠日長
 久而社稷安矣秦孝公據殽函之固擁雍州之
 地君臣固守而窺周室有席卷天下索隱曰按春
 水散席也包舉宇內囊括四海之意張晏曰括括囊括也
 言其能包含天下
 并吞八荒之心當是時商君佐之索隱曰商
 鞅任秦為左庶長遂為秦制法
 孝公致霸封之於商號商君內立法度務耕織修守
 戰之備外連衡而鬪諸侯索隱曰戰國策曰蘇秦亦
 為秦連衡高誘曰合關東
 從道之秦故於是秦人拱手而取西河之外孝公
 既沒惠王武王蒙故業因遺冊南兼漢中西舉

巴蜀東割膏腴之地收要害之郡諸侯恐懼會
 盟而謀弱秦不受珍器重寶肥美之地以致天
 下之士合從締交儀書音義
 曰締結也相與為一當是時齊
 有孟嘗趙有平原楚有春申魏有信陵此四君
 者皆明知而忠信寬厚而愛人尊賢重士約從
 離衡索隱曰言孟嘗等四君皆為其國
 共相約結為從以離散秦之橫并韓魏燕楚齊
 趙宋衛中山之眾於是六國之士索隱曰六國者
 韓魏趙燕楚齊
 是也與秦為七雄又六國與宋衛
 中山為九國其三國蓋微又亡前
 有寧越徐尚蘇秦杜
 赫之屬為之謀徐廣曰越一作經或自別
 有此人不必
 索隱曰寧越趙人賈誼作寧
 越徐尚未詳蘇秦東周洛陽人呂氏春秋杜赫
 以安天下說周昭文君高誘曰杜赫周人也齊明周最

陳曰本叩作仰

陳軫昭滑樓緩齊明東周臣後仕秦楚及韓周最周之八公子亦仕秦陳軫復人亦仕秦昭滑楚人樓緩魏文侯之弟所謂樓子也蘇厲蘇之弟仕齊樂毅本齊臣入燕燕昭王以客禮待之以為亞卿蘇厲未詳也
吳起孫臏帶起衛人事魏文侯為將孫臏孫武之後也春秋曰王賈貴先兒良貴後二人皆天下之豪士田忌齊將也廉頗趙奢皆趙之將
常以十倍之地百萬之眾叩關而攻秦秦人開關延敵九國之師遂巡道逃而不敢進秦無亡矢遺鏃之費而天下諸侯已困矣於是從散約解爭割地而奉秦秦有餘力而制其敵追亡逐北伏尸百萬流血漂鹵徐廣曰鹵楯也因利乘便宰

李廷机曰秦昭襄五十二年滅西周莊襄元年威東周則吞二周非始室事

割天下分列裂河山疆國請服弱國入朝廷及孝文王莊襄王享國日淺國家無事及至秦王續六世之餘烈張晏曰孝公惠文王武王昭王孝文王莊襄王振長策而御宇內吞二周而亡諸侯復至尊而制六合執捶拊徐廣曰拊拍也音府一作稿以鞭笞天下威振四海南取百越之地韋昭曰越有百邑以為桂林象郡百越之君俛首係頸委命下吏乃使蒙恬北築長城而守藩籬却匈奴七百餘里胡人不敢南下而牧馬士不敢彎弓而報怨於是廢先王之道焚百家之言以愚黔首應劭曰壞堅城恐人復阻以害已也殺其家

後收天下之兵聚之咸陽銷鋒鑄鏑以為金人
十二以弱黔首之民然後斬華為城徐廣曰斬一作踐駟案服
度曰斷華山為城。索隱曰踐亦出賈本論又崔浩云踐登也。因河為津據億丈之城
臨不測之谿以為固良將勁弩守要害之處信
臣精卒陳利兵而誨何如溥曰何猶問也。索隱曰崔浩云何或為呵漢舊儀泊
衛郎官分五夜誰呵何天下以定秦王之心自以為
關中之固金城千里索隱曰金城言其實且堅也。韓子曰雖有金城湯池漢書張良亦曰
關中所謂金城子孫帝王萬世之業也秦王既沒
餘威振於殊俗陳涉壅牖繩樞之子服虔曰以繩
康曰尾壅二為窻也。而遷徙之徒才能

呵作何
非作宿
是

陳曰本倨作免
同什伯作什伯

不及中人非有仲在墨翟之賢陶朱猗頓之富
躡足行伍之間而倨起什伯之中漢書音義曰首出十長百長之
中如溥曰時皆辟屈在十百之中。率罷散之卒將數百之眾而轉攻
秦斬木為兵揭竿為旗天下雲集響應贏糧而
景從山東豪俊遂並起而亡秦族矣且夫天下
非小弱也雍州之地殽函之固自若也韋昭曰殽函
關也陳涉之位非尊於齊楚燕趙韓魏宋衛中
山之君鉏耰棘矜服虔曰以鉏柄及棘作矛非鈇於
句戟長鎩也徐廣曰鈇一作鈇駟案如溥曰長刃矛也。又
適戍之眾非抗於九國之師深謀遠慮行軍用

權作程

唯当作惟思也

兵之道非及鄉時之士也。然而成敗異變，功業相反也。試使山東之國與陳涉度長劫，音義大區之地，千乘之權，招八州而朝，同列百有餘年矣。然後以六合為家，殺函為宮，一夫作難而七廟墮，身死人手，為天下笑者，何也？仁義不施而攻守之勢異也。秦并海內，兼諸侯，南面稱帝，廣日一本有此篇，無前者。秦孝公已下，而又以秦并兼諸侯山東三十餘郡，繼此未也。○索隱曰：按賈誼過秦論，以孝公已下為此篇。秦兼并諸侯，山東三十餘郡，為下篇。鄒誕生云：木史公刪賈誼過秦篇著此論，當其義而省其辭。褚先生增續既已混殺而世俗小智，不唯刪省之，直合以養四海天下。寫本論於此，不同也。今頗亦不可分別。

之士斐然，鄉風若是者，何也？曰：迹古之無王者久矣。周室卑微，五霸既歿，令不行於天下，是以諸侯力政，疆侵弱，眾暴寡，兵革不休，士民罷敝。今秦南面而王天下，是上有天子也。既元元之民，莫得安其性命，莫不虛心而仰上。當此之時，守威定功，安危之本在於此矣。秦王懷貪鄙之心，行自奮之智，不信功臣，不親士民，廢王道，立私權，禁文書，而酷刑法，先詐力而後仁義，以暴虐為天下始。夫并兼者，高詐力，安定者，貴順權。此言取與守不同術也。秦離戰國而王天下，其

余有丁白梅賈書作
是其所以取之也意
甚明史亦守之者異
四字似誤

道不易其政不改是其所以取之守之者異也
孤獨而有之故其亡可立而待借使秦王計上
世之事並殷周之迹以制御其政後雖有淫驕
之主而未有傾危之患也故三王之建天下名
號顯美功業長久今秦二世立天下莫不引領
而觀其政夫寒者利裋褐徐廣曰一作短小襦也音
豎。索隱曰趙岐曰褐以
毛毳織之若馬衣或以褐編衣也。裋一音豎。蓋謂褐布
豎裁為勞役之衣。短而且狹。故謂之短褐。亦曰豎褐。而飢
者甘糟糠天下之效教新主之資也此言勞民
之易為仁也鄉使二世有庸主之行而任忠賢
臣主一心而憂海內之患縞素而正先帝之過

裂地分民以封功臣之後建國立君以禮天子
虛囹圄而免刑戮除去收帑汙穢之罪使各反
其鄉里發倉庫散財幣以振孤獨窮困之士輕
賦少事以佐百姓之急約法省刑以持其後使
天下之人皆得自新更節修行各慎其身塞萬
民之望而以威德與天下天下集矣即四海之
內皆謹然各自安樂其處唯恐有變雖有狡猾
之民無離上之心則不軌之臣無以飾其智而
暴亂之姦止矣二世不行此術而重之以無道
壞宗廟與民徐廣曰一無
此上五字更始作阿房宮繁刑嚴

下

賢一作實

誅吏治刻深賞罰不當賦歛無度天下多事吏
弗能紀百姓困窮而主弗收恤然後姦偽並起
而上下相遁蒙罪者衆刑戮相望於道而天下
苦之自君卿以下至于衆庶人懷自危之心親
處窮苦之實咸不安其位故易動也是以陳涉
不用湯武之賢不藉公侯之尊奮臂於大澤而
天下響應者其民危也故先王見始終之變知
存亡之機是以牧民之道務在安之而已天下
雖有逆行之臣必無響應之助矣故曰安民可
與行義而危民易與為非此之謂也貴為天子

陳曰始皇紀後漢公
一節即孝明時班固所
述秦紀非大史公書也
故以班固之語附列于
後百本自襄公以下
降書一字別于正文
也今本于志大並書殊
失其曰

富有天下身不免於戮殺者正傾非也是二世
之過也襄公立享國十二年初為西時葬西垂
索隱曰此已下重序列秦之先君立年及葬處皆當據秦紀
為說與正史小有不同今取異說重列於後襄公秦仲孫
公子救周周始命為諸侯初為西時祠白帝立十三年葬西土生文公又作陳寶祠立居西垂
宮五十年死葬西垂又作陳寶祠生靜公靜公
不饗國而死生憲公憲公享國十二年居西新
邑死葬衙地理志馮翊有衙縣。索隱曰憲公滅蕩社
居新邑葬衙本紀憲公徙居平陽葬西土生
武公德公出子出子饗食國六年居西陵索隱曰二
葬衙本紀不云庶長弗忠威累秦少三人率賊賊出子嗣
衍葬衙武公立武公饗食國二十年居平陽封宮

徐廣曰一云葬宣陽聚東南索隱曰紀云葬平三庶

長伏其罪德公立德公享國二年居雍大鄭宮

生宣公成公繆公葬陽初伏以御虫蠱索隱曰二年

已下居葬絕不言也宣公享國十二年居陽宮葬陽索隱曰四年

初志閏月成公享國四年居雍之徐廣曰宮葬

陽齊伐山戎孤竹繆公享國二十九年天子致

霸葬雍繆公學著人索隱曰著音貯又音宁著即宁

之人故詩云俟我於著乎而是也生康公康公享國十二年居雍高

寢葬均社生共公共公享國五年居雍高寢葬

康公南生桓公桓公享國二十七年居雍大寢

葬義里丘北生景公索隱曰一作僖公景公享國四

十年居雍高寢葬丘里一作丘南生畢公徐廣曰

秋作畢公鄉食國二十六年正義作二十七年葬車里北生

夷公夷公不享國死葬左宮生惠公正義曰十年

孔子行東公享國十年葬車里康景生悼公悼公

享國十五年正義曰本紀作十四年葬僖公西城雍生刺

公索隱曰刺龍共公享國三十四年葬入

里徐廣曰生躁公索隱曰又作趨公懷公正義

曰四年葬其十年彗星見躁公享國十四年居受

寢葬悼公南其元年彗星見徐廣曰年表懷公從

晉來享國四年葬櫟圍氏生靈公諸臣圍懷公

懷公自殺肅靈公昭子子也徐廣曰懷公生昭子昭子生靈公。索隱曰紀

年及系本無肅字立十年表同紀十一年居涇陽享國十年葬悼公西生

簡公簡公從晉來享國十五年葬僖公西索隱曰按

本紀簡公名悼子即刺襄公之子懷公弟也且紀及系本皆以為然今此文云靈公謬也立十六年葬僖公西生惠

公其七年百姓初帶劍惠公享國十二年葬陵

圍索隱曰王劭按紀年云簡公後次敬公敬公立十二年乃至惠公辭即難憑時參異說生出公出

公享國二年索隱曰系出公自殺葬雍獻公享國

二十三年徐廣曰靈公。索隱曰系本稱元葬頃圍

生孝公孝公享國二十四年索隱曰本葬弟圍生

惠文王其十二年始都咸陽正義曰本紀云十二年

年始都之惠文王鄉食國二十七年索隱曰十葬公陵義

曰括地志云秦惠文王陵在雍州咸陽縣西北一十四里生悼武王悼武王享國

四年葬永陵徐廣曰皇甫謐曰葬畢今安陵西畢。索

四年。正義曰括地志云秦悼武王陵在雍州咸陽縣西十里俗名周武王陵非也昭襄王享國

五十六年葬芷陽索隱曰十九年而立葬芷陽也。正

新豐縣西南三十五里俗亦謂為子楚始皇陵在北故亦謂為見子陵生孝文王孝文王

享國二年葬壽陵生莊襄王莊襄王享國三年

葬芷陽生始皇帝呂不韋相獻公立七年初行

為市十年為戶籍相伍孝公立十六年時桃李

冬華惠文王生十九年而立立二年初行錢有
新生嬰兒曰秦且王悼武王生十九年而立立
三年渭水赤三日昭襄王生十九年而立立四
年初為田開阡陌孝文王生五十二年而立立莊
襄王生三十二年而立立二年取太原地莊襄
王元年大赦脩先王功臣施德厚骨肉布惠於
民東周與諸侯謀秦秦使相國不韋誅之盡入
其國秦不絕其祀以陽人地賜周君奉其祭祀
始皇鄉食國二十七年葬酈邑正義曰酈邑在雍州生王世皇
帝始皇生十二年而立王世皇帝享國三年葬

宜春正義曰括地志云秦故胡亥陵在雍州趙高為丞

相安武侯二世生十二年而立徐廣曰本紀云二十一

右秦襄公至二世六百一十歲正義曰秦本紀自襄公至二世五百七十七

六年矣年表自襄公至二世五百一十歲正義曰班固

明帝永平十七年詔問班固太史遷贊語中寧有非耶班固上表陳秦過失及賈誼言答之

月十五日乙丑日索隱曰此已下是漢孝明帝訪班固十七年十

失後人因取其周歷已移正義曰周初十世三十七年

七歲至八百六十七曆數既仁不代母秦直其位索隱

過秦并天下是周曆已移也仁不代母謂周得木德木生火周為漢

母也言曆運之道仁恩之情子不代母而王謂火不代木言

漢不合即代周也秦值其閏位得在木之間也此論者之辭

陳沂曰其文不類孟
堅恐是褚先生語

下日作日

而

始也按周木德也秦水德也五行之運水生木木生火火生土土生金金生水所生者為母出者為子帝王之次子代母
 秦稱水是母代子故言若德之君相代不母承其位呂政
 子直音值言秦并天下稱帝是秦德值帝王之位呂政
 殘虐然以諸侯十二呂政初為秦王年十三也索隱
 姬有娠獻莊襄王并兼天下極情縱欲養育宗親呂政
 生始皇故云呂政呂政
 三十七年兵無所不加制作政令施於後王正義
 曰謂置郡縣壞井田開阡陌不立侯王始為伏臘又置丞相正義
 太尉御史大夫奉常郎中令僕射廷尉典客宗正少府中尉正義
 將作詹事水衡都尉監守縣令蓋得聖人之威河神授正義
 丞等皆施於後王至于隋唐矣正義
 圖正義曰蓋者疑辭也言始皇之威能吞并據狼狐陷參正義
 伐佐攻驅除正義曰狼音即狼狐主弓矢星天官書云參
 天距之正義上音巨義至也稱始皇始皇既歿胡亥極愚鄙

董份曰不威不伐且
 作句讀威字忘前
 聖人之威伐以奄有天
 下蓋指始皇意不篤
 不虛亡者言始皇意
 及二世焉而遂亡也

山未畢復作阿房以遂前策云凡所為貴有天下者肆意極欲大臣至欲罷先君所為誅斯去疾任用趙高痛哉言乎人頭畜鳴正義曰畜許又反言胡亥人身不威不伐惡正義曰此五不篤不虛亡正義曰言胡亥藉帝王之威器殘酷暴虛距之不得留殘虐以促期雖居形便之國猶不得存子嬰度次得嗣冠正義玉冠佩華紱正義車黃屋正義從百司正義曰才用反謁七廟小人乘非位莫不黃為裏從百司正義曰才用反謁七廟小人乘非位莫不况忽心失守偷安日日獨能長念却慮父子作權近取於戶牖之間竟誅猾臣為正義于君討賊高

陳沂曰不曰莊王曰嚴王者班固避明帝諱也

死之後賓婚未得盡相勞餐未及下咽酒未及濡脣自楚兵已屠關中真人翔霸上素車嬰組奉其符璽以歸帝者鄭伯茅旌鸞刀嚴王退舍

傳曰楚莊王伐鄭鄭伯肉祖左執茅旌右執鸞刀以逆莊王莊王退舍七里何休曰茅旌鸞刀祭祀宗廟所用也執宗廟器者示以宗廟血食自歸河決不可復獲魚爛不可復全索隱曰宋均曰上言如魚之爛從內而出賈誼司馬遷曰向使嬰有庸主之才僅得中佐山東雖亂秦之地可全而有宗廟之祀未當絕也秦之積衰天下土崩瓦解

正義曰言秦國敗壞若屋宇崩頽衆瓦解散也雖有周且之才無所復陳其巧而以責一日之孤正義曰日音駟一孤謂子嬰誤哉俗傳

秦始皇起罪惡胡亥極得其理矣復責小子正義曰亦謂子嬰云秦地可全所謂不通時變者也紀季以

鄗春秋不名春秋曰紀季以鄗入于齊公羊傳曰何以不名賢之也謂設五廟以存姑姊妹也○正義曰鄗音戶圭反括地志云安平城在青州臨淄縣東九里古紀之鄗邑帝王紀云周之紀國姜姓也紀侯諸齊哀公於周懿王烹之外傳曰紀侯入為周士竹書云齊襄公滅紀

北海縣東北七十里部城在密州安丘縣界邢音駢音訾按秦始起罪惡胡亥極得其理國既崩絕箕子比干尚不能存殷庸主于嬰焉能救秦之敗以賈誼史遷不通時變不如紀季之深識也季紀侯少弟不書名故曰紀季

讀秦紀至於子嬰車裂趙高未嘗不健其決憐其志嬰死生之義備矣徐廣曰班固典引曰永平十七年詔問臣固太史迂贊語

中寧有非邪臣對賈誼言子嬰得中佐秦未絕也此言非是臣素知之耳

索隱述贊曰

六國陵替

二周淪亡

并一天下

號為始皇

阿房雲構

金狄成行

南遊勒石

東瞰浮梁

瀉池見遺

沙丘告喪

二世矯制

趙高是與

詐因指鹿

災生噬虎

子嬰見推

恩報君父

下乏中佐

上乃庸主

欲振頹綱

云誰克補

史臺萬冬斤壹佰柒拾捌字

注臺萬冬斤伍佰柒拾捌字

秦始皇本紀第六

史記六

Blank page with vertical lines for writing.

Seal impression in seal script (Zhuanshu) characters, likely reading "National Archives of Japan" (國立公文書館).

